

山西通志

册四十七

山西通志卷第一百七十五

山西巡撫都察院右副都御史

覺羅石麟奉

旨修輯

經籍

古今藏書之富者漢七略三萬三千九百卷隋錄西京三十七萬卷唐列四庫八萬九千四百卷宋崇文目二萬六百六十九卷張茂先入洛載書二十車宋李公擇山房藏書九千卷宋宣憲校讎定本二萬卷名家藏書如南都戚氏歷陽沈氏等少者數千卷多至四萬卷葉少蘊少貴博收遂逾十萬卷近世葉氏王氏焦氏錢氏胥有書目山西以舟楫不通故士少藏書如元立經籍所於平陽明養德書院時雕遺書雅不槩見而聊採其地先賢之所著撰暨

有關與於晉疆者錄如左志經籍

經類

周卜商易傳二卷

漢焦贛易林傳十六卷

晉裴秀易論

郭琦京氏易注

郭璞周易洞林解三卷洞林別訣一卷周易髓周易新林

四卷周易元義經一卷易通統卦驗元圖一卷易通統

圖二卷易新圖序一卷易八卦內錄內斗圖一卷

北魏關朗易傳一卷又關氏洞極經

隋王通易斗圖一卷讚易十卷

唐薛仁貴周易新注十四卷 王勃周易發揮五卷

裴通周易元解二卷又易書一百五十卷通字又元文宗訪以易義進所

撰書

尹知章易註

成元英易流演窮寂圖五卷

宋陸秉周易意學十卷古易十三卷出王洙家

王洙言象外傳十卷又古易十二卷

司馬光易說三卷繫辭說二卷

孟珙警心易贊又易傳十卷題卜子夏傳

代淵周易指要 麻衣道者正易心法一卷

金雷思易解

元郝經易外傳又太極演原古錄抄京費諸家要撮

明郭紀易經撮要 楊一奇易經讀書錄補

任長慶易解 王松繫辭主意

薛東海易經解醒錄 李弘道易補傳

劉一中大易圖

甯二翰易經心印

辛全周易指掌一卷易約一卷

衛良吾義經精解

國朝王巖楨周易抄翼又周易圖說

洪嘉植易說

張燠易說二卷

曹續祖易學啓蒙約義編二卷

侯楠周易圖集說二卷

楊世泰補釋

曹仁易學心功一卷

右周易

虞書十六篇

堯典禹謨

舜典

汨作

九共九篇

稟飫

大

稟飫凡十一篇皆亡

夏書六篇

禹貢汝鳩

甘誓汝方

五子之歌鄭傳鳩方二篇皆亡

尹征

商書十七篇

湯誓乙

疑至

臣扈

仲虺之誥

咸乂

祖

至臣扈咸乂祖乙皆亡

周書四篇

旅巢命侯之命

歸禾

嘉禾

文

晉汲冢周書十卷

王接汲冢周書論

續咸汲冢周書釋十二卷

齊王元度尚書十三卷

隋于仲文尚書刊繁三十卷

王通續書二十五卷

唐尚書正義二十卷

孔穎達傳中書令柳爽太常博士柳士宣弘文館直學士薛伯珍等刊定

宋王曙周書音訓十二卷

孟光禹貢治水圖一卷

陳大昌禹貢論五卷禹貢論圖五卷禹貢後論一卷

司馬光等無逸講義一卷

明張邦教尚書井觀錄

崔汝孝禹貢便蒙

何廷俊書義神授

國朝黃希聲尚書譜

畢振姬尚書註

閔若璩尚書古文疏證

周啓文尚書講義

右尚書

魏風七篇

葛屨

汾沮洳

園有桃

碩鼠

唐風十二篇

蟋蟀

羔裘

鷓鴣

揚之水

無衣

有杕之杜

葛生

宋

邶風二篇

式微

秦風一篇

渭陽

大雅五篇

桑柔

崧高

江漢

周卜商詩序

漢韓詩卜商序二十一卷又外傳十卷

卜商集序二卷又翼要十卷

毛萇毛詩十卷故訓傳二十卷

晉郭璞毛詩拾遺一卷又毛詩略四卷

齊王元度注毛詩二十卷

隋王通續詩十卷

宋裴氏詩集傳

詩譜注一卷

文獻通考歐陽修於絳州得注本卷首殘缺因補成進之而不知注者為太叔求也

明何廷俊詩義神授

李淮詩經辨疑五卷

郭儒詩經集說

王鳳詩經便韻

國朝張志遠詩叶正韻

右毛詩

魏賈逵春秋左氏長經章句二十卷又解詁三十卷春秋三

晉裴秀容京相璠等春秋土地名三卷

王述春秋義統

王接公羊傳新義

王愆期注公羊傳十三卷又難論一卷廖翼難

范隆春秋三傳注

郭琦注穀梁傳

汲冢師春一卷師春紀集疏左傳卜筮事

宋周續之公羊春秋注

樂詳左氏春秋問七十二事

齊李崇祖服氏春秋釋謬

王元度注春秋左氏傳

隋王元規春秋發題辭及義記十一卷又春秋左傳音三卷

唐高重春秋纂要四十卷

士廉五代孫文宗時翰林侍講學士帝好左氏春秋命重分諸國各

為書別名經傳要略歷國子祭酒

裴光庭續春秋經傳戰國說隋

柳璞春秋三氏異同義

樊宗師春秋集傳十五卷

裴安時左氏釋疑七卷

安時字適之大中江陵少尹

柳宗元非國語二卷

趙匡春秋集註總例同陸贄

盧陵春秋注

宋孫復春秋尊王發微十二卷又春秋總論一卷

王日休春秋孫復解辨失一卷

裴光輔春秋機要一卷

劉易春秋論

劉義叟春秋災異

歐陽修繳進春秋災異狀辭章精博學識該明論議有出于古人文士可傳於

後世

狄遵度春秋雜說

薛季宣春秋經解指要十四卷

許翰春秋傳注

元郝經春秋外傳論次章句音義共八卷比類條目十二卷

三傳折衷五十卷

敬鉉春秋備忘四十卷

張著春秋彙括三卷

趙惟賢春秋集傳

明荆芸春秋要旨

常在左傳要語

趙鶴春秋時事

李弘道春秋補傳

史學遷麟經三易草

劉有綸麟旨

國朝馮如京春秋大成

孫嘉淦春秋講義

右春秋三傳

周子夏儀禮喪服傳一篇

魏崔游喪服圖一卷

晉裴頡冠儀

范隆三禮吉凶宗紀

偽漢人

衛瓘喪服儀一卷

宋裴松之喪服經傳一卷

梁裴子野喪服傳二卷

王元規禮記音二卷

齊王元度周禮義決三卷又禮記注二十卷

北周樊深喪服問疑一卷

隋王通禮論十卷

唐柳士宣禮記正義七十卷

同孔穎達奉詔撰

宋司馬光程顥張載三家冠婚喪祭禮五卷

邢昺禮選二十篇

金楊雲翼周禮辨

明李弘道周禮解

國朝張養禮記纂言又禮經獨解

范爾梅周禮補考

右三禮

晉裴秀樂論

隋王通樂論十卷

唐呂渭廣陵止息譜一卷

明袁萬里律呂解增注

左立德壘琬齋新宮

郭希湯律呂問

國朝范爾梅樂律考

右樂書

魏常爽六經略注

宋王煥五經決錄

南齊關康之易義毛詩義禮論十卷

梁王元規讀經典大義十四卷

北齊樊遜孝經論語毛詩左氏春秋序論十餘篇

北周樊深七經義綱略論二十九卷論三卷質疑五卷異同

說三卷又經義論略并目三十一卷

隋王頰五經大義三十卷

唐裴僑卿微言注集二卷 王顏經史子志翼五十卷

宋薛季宣詩書春秋中庸大學論語訓義

劉義叟易春秋論

元李巖經筵講稿四十九卷

明王翰經史日抄

辛全五經指常

國朝張養五經四書主意

朱之俊五經纂注

王巖楨五經窮抄

閔若璩辨証經史疑義四卷

范爾梅五經隨筆

右諸經

漢高誘孝經解

齊王元載注孝經一卷

隋孔安國孝經傳

孔安國孝經傳亡於梁亂隋秘書監王劭於京師訪得之送至河間劉炫炫因序之

後遂著令與鄭氏並立

後魏陳奇孝經注

奇河人

北周樊深孝經問疑一卷

唐盧陵孝經注

宋邢昺孝經正義三卷又孝經注

司馬光古文孝經指解一卷又孝經錯緯

宋韓右孝經

晉衛瓘集注論語六卷

王濛論語義一卷

孫綽論語集解十卷

後魏陳奇論語注

唐王勃注論語十卷

宋邢昺論語疏又論語正義十卷

許翰論語解

侯仲良論語說一卷

右論語

宋司馬光等六家大學中庸解義

司馬光大學中庸廣義一卷

明申尙德致知源流又裴園抄臆

說中庸

國朝郭凝然中庸衍義

右大學中庸

漢高誘孟子章句

唐李景儉孟子評

宋司馬光疑孟一卷

司馬康孟子解二卷

山西通志 卷一百一十五
國朝衛蒿孟子游歷考七卷

閆若璩孟子生卒歲月考一卷

右孟子

元薛延年四書引證

明張邦教四書井觀錄

曹端四書詳說三十六卷

梁格四書古義補

史學遷四書心言

陳國柱四書易經道學傳錄

郭儒四書求正稿

劉有綸四書自言

任憲四書說意

譚登仕四書事天象略

辛全四書說六卷

甯二翰四書心印

桑拱陽四書則二十卷

國朝王巖楨四書抄翼四書人物彙考

黃希聲四書彙講

趙天麒四書貞一解

閆若璩四書釋地名六卷

衛蒿四書答問六十卷

張燠四書正義六卷

曹續祖四書綱領四書竊疑

右四書

晉郭璞爾雅注五卷

一作三卷 又作一卷

爾雅音二卷

同孫炎撰

爾雅

圖十卷

一作一卷

隋裴瑜爾雅注五卷

宋邢昺爾雅疏十卷

右爾雅

明薛瑄讀書錄二十卷

史英就正稿一得稿

謝琚太極圖說襍祿法言又修治繩墨酒誥刑誥

李希洛益言錄又明儒要言性理守約集夢心記

韓仰斗言行錄

白所知惺心錄

白所蘊闇修錄北牕省言

魏雲中續皇極經世書

王松洪範五行性理通箋解

盧璣河圖衍義

郭儒續近思錄

令狐總性理纂要

王體復真知錄悟心摘言

廖永量性理摘言教家要略

呂乾健理學源流錄

郭登庸自修圖

裴一諫趨庭問答約言語錄思道篇

劉有綸明誠最言

郭育才闇修錄

辛全養心錄四子心傳經世石畫衡門芹治學一貫錄

姚檟語錄一卷

李宋景仰顏曾錄一卷

譚登仕太極圖說道一九篇

李初纂勅幾篇義利辨

國朝閔若璩困學紀聞注證三十卷

趙天麒理學真詮

王巖楨性理探微

衛蒿附洙泗言仁錄二卷顏子所學錄一卷魯子得宗錄

一卷

郭疑然河洛經世

竇克勤理學正宗

右性理語錄

附

史類

漢司馬遷史記

班固漢書一百十五卷

晉王沈魏書四十四卷

一作四十八卷

宋裴松之注釋三國志六十五卷又敘錄一卷

本傳上命注三國志松之

鳩集異書廣增異聞書奏上覽之日裴世期不朽矣

裴駟注史記八十卷

山西通志 卷一百七十五
梁裴子野宋書略二十卷

北魏起居注二百七十六卷 宋世景晉書

裴伯茂晉書

隋王劭齊書紀傳一百卷齊志二十卷一作十卷隋書八十卷

一作六十卷未成

于仲文漢書刊繁三十卷

李德林北齊末修書二十四卷

唐敬播薛元超晉書一百三十卷同房元齡令狐德棻修凡例皆播所發

敬播注漢書四十卷漢書注要四十篇漢書音義十二卷

又隋書一百五十卷同顏師古孔穎達修高祖實錄二十卷同許敬宗

撰房元齡兼修太宗實錄二十卷同房元齡等撰

裴安時史記纂訓二十卷又元魏書三十卷

魏澹後魏紀一卷 王績隋書

溫大雅大唐創業起居注三卷

裴埴德宗實錄五十卷同蔣乂等撰

王彥威裴休穆宗實錄二十卷同趙鳳等撰

柳芳唐書一卷又一百三十篇敘例目一卷同吳兢等修

五代張昭遠唐莊宗實錄三十卷愍帝實錄三卷

姚顛唐明宗實錄三十卷

宋薛居正五代史一百五十卷

王溥周世宗實錄四十卷

司馬光資治通鑑又資治通鑑舉要曆八十卷通鑑前例

一卷稽古鑑二十卷歷年圖六卷通鑑節要六十卷帝

統編年紀事珠璣十二卷歷代累年二卷修書帖一卷

趙鼎神宗實錄二百卷 司馬康通鑑釋文六卷

山西通志 卷一百七十五 史昭資治通鑑釋文三十卷

王應麟通鑑地理考一百卷又通鑑地理通釋十四卷

胡三省資治通鑑廣注九十七卷論十篇辨誤十二卷

金楊雲翼續通鑑

元呂思誠兩漢通紀又宋遼金三史思誠總裁同王守成張翥等修

郝經續後漢書九十卷 馬祖常英宗實錄

明邢讓英宗實錄

右正史

晉孫盛魏武春秋二十卷又晉陽秋二十二卷宋志作晉陽春秋三十卷

竹書紀年十四卷汲冢書一作十二卷并竹書同異一卷

鄧粲晉陽春秋二十二卷

唐柳芳唐曆四十篇 張彥遠續唐曆二十卷同韋澳等

薛黨大唐聖運圖略三卷又帝王照錄一卷

王起五位圖十卷一作一卷又五運圖一卷

苗台符古今通要四卷宣懿時人

柳燦正閏位曆三卷

五代張昭遠唐懿祖獻祖紀年錄二十卷

宋文彥博高若訥紀年通譜十卷

劉義叟十三代史劉氏輯曆

元王邇東周四王譜

明丁伯通綱目續編 廖永量通鑑類抄

右編年類

晉汲冢古文瑣語四卷

郭璞注穆天子傳六卷

王愆期救襄陽上都府事一卷春坊舊事三卷

和包漢趙紀十四卷偽趙人

田融趙書十卷

宋裴松之國史要覽二十卷

梁蕭大園淮海離亂志四卷記梁末侯景之亂 梁魏舊事三十卷

裴子野抄合後漢事四十卷

北魏王慧龍國典十八篇 溫子昇永安故事三卷

裴景仁秦記十一卷又拓跋涼錄十卷

北周宋孝王關東俗傳六十二卷一作三十卷

吉文甫十五代略十卷又代譜四十八卷周武帝敕撰

樊深西河舊事一卷

隋裴矩開皇平陳記十二卷鄴都故事十卷

繁師元北齊錄 于仲文略覽三十卷

柳詵晉王北伐記十五卷 陸爽東宮典記七十卷

唐裴烜之承祚實跡一卷 裴裕之太宗建元實跡一卷

敬播文貞公傳事四卷 李淳風典章文物志

王后訓記雜載十卷采青宮紀要維城典訓古今內範內範要略等書為雜載云

武平一龍文館記 王勃漢書注指瑕

李綽尚書故實一卷記河東張氏事

負半千三國春秋二十卷 裴行儉維城典訓二十卷

裴光庭瑤山往則一卷 邱據相國涼公錄一卷李抱玉事

裴潏辨謗略三篇憲宗命增為十篇號元和辨謗略 新修太和辨略三卷

裴遵慶王政記 裴肅平賊記一卷紀平浙東栗鏗事

裴德融薛融薛逢薛延望續會要十四卷

王彥威唐典七十卷 薛璫唐聖運圖二卷

溫大雅今上王業記六卷 薛圖存河南記一卷李師道事

李潛用乙卯說一卷李訓鄭注事

李德裕柳氏舊聞一卷上黨紀叛一卷劉從諫事

裴廷裕東觀奏記三卷裕字膺餘昭宗時翰林學士左散騎常侍

韓昱壺關錄三卷 柳燦史通析微十卷

劉伯莊史記音義二十卷 柳玘續貞陵遺事一卷

柳璞天祚府曆

宋王洙祖宗故事二十卷 郭彥海代記十卷

畢仲衍朝制要覽備對六卷又祀汾陰記五十三卷中書

備對十卷 婁機班馬字韻二卷

趙瞻史記牴牾論五卷 薛奎羣牧故事六卷

程大昌北邊備對六卷又汾陰后土故事三卷

林特東封西祀朝謁太清宮總例二十六卷

王溥一作王曙唐會要一百卷集蘇冕會要及崔鉉續會要補其闕漏五代會要

三十卷 王應麟通鑑答問四卷

王曙郡牧故事三卷兩朝誓書一卷唐書備問三卷

張棖通鑑篤論三卷 范冲編司馬光紀聞十卷

薛向邊陲利害三卷 王載道思宋錄

金元好問野史亭稿紀金事後呂思誠等金史本之

明趙鶴史正 廖永量綱目摘異

婁機通鑑外紀辨證 王體復史綱名纂

閔璞通鑑逸旨 楊一奇學史談

國朝馮如京史疑

右別史

北魏詔集十六卷 高澄與侯景書一卷

山西通志 卷一百七十五

薛克構聖朝詔集三十卷

王起寫宣十卷

宋王曙兩漢詔議四十卷

右詔書

漢唐林奏章一卷

宋文彥博奏議

司馬光奏議

歐陽修河東奏議一卷

趙鼎忠簡公奏議

元張守中定本萬言策

秦起宗御史奏議一卷

王克敬奏議

明王瓊三邊奏議

劉夔奏議七卷

張縉奏議

楊博歷官奏議

王崇古奏議

王家屏奏議

楊俊民奏議

楊天民掖垣諫草

翟師雍飭漕末議

劉廷臣上谷奏議

蘇祐撫晉奏議

韓文奏議

喬宇奏議

張潤奏議

翟繡裳薊門奏議

侯綸奏議

劉有綸保甲議監法條議

申嘉言兵垣諫草

龐尚廉治黃判語疏草

張煊西西臺奏疏

張鵬諫草

張希復梧垣奏疏

吳嘉會奏議

任贊化奏疏

魏光緒撫楚奏議又西臺封事

張珩奏議

張三謨奏議

趙載都府奏議

喬廷棟西臺奏疏

山西通志 卷之七十五
張璞籌海代言

國朝胡全才奏議

于成龍奏牘

朱裴臺垣奏議二卷
田六善奏議

右奏議

漢戴氏夏小正傳四卷

晉王接列女後傳

母邱儉記三卷

王氏家傳二十一卷

南宋郭緣生武昌先賢傳

周續之注稽康聖賢高士傳贊三卷

裴松之家傳四卷家記三卷又文論一卷

梁裴子野家傳二卷續家傳二卷

柳惔仁人傳

裴懷貴兄弟傳三卷悼善列傳四卷

北魏拓跋記一卷

不知作者

北周齊王家傳一卷

姚氏撰

隋王劭爾朱氏家傳二卷

王通元經薛氏傳十五卷

荀伯子薛常侍傳二卷

唐太行山人韓昱壺關錄一卷

紀李密事

武后列女傳一百卷又孝女傳二十卷古今內範要略十

卷保傅七卷鳳樓新誠二十卷

裴若弼家傳一卷

宋世良宋氏別錄十卷

陳宏上黨十九瑞圖

宏永王府長史

裴肫續文士傳十卷

肫開元中懷州司馬

王革上黨叛記一卷

李邕狄仁傑家傳三卷

王緒一作續永寧公輔梁記十卷開元中人僧辨孫也

李翰張巡姚閻傳二卷張中丞外傳一卷

睢陽得死集一卷載張巡許遠事不知作者

李華張巡傳一卷 侯真人傳

柳玼柳氏序訓一卷 王起李趙公行狀一卷李吉甫

鄭廷誨廣陵妖亂紀聞三卷

張茂樞河東張氏家傳三卷茂樞弘靖孫

趙琬孝行志三卷琬字盈之會昌中晉州岳陽人

郭湜高力士小傳二卷湜太原縣人

張說河東備錄

五代武皇以來功臣列傳三十卷

范質桑維翰傳三卷 胡賓王劉氏興亡錄一卷

代記一卷關名

宋司馬光涑水記聞三十二卷日記一卷文中子傳一卷又

河外諮目 溫公朔記又續溫公齋記

陳伯疆和邊錄五卷伯疆河東人

王保衡晉陽要錄一卷 何友諒白居易年譜一卷

陳氏白集年譜一卷

文彥博高若訥大饗明堂記二十卷

文彥博大饗明堂記要二卷潞公私記一卷

薛齊誼六一居士年譜一卷事迹一卷

馮炳皇祐平蠻記一卷紀狄青平儂智高事

高永年元符隴右錄 孫鎮歷代登科記

李埴趙鼎行狀三卷 侯仲良雅言一卷

山西通志

卷一百一十五

金楊雲翼衛紹王日錄四十條

蔡珪晉陽志二十卷

李純甫故人外傳

劉祁歸潛志三卷

紀金事

鄭當時節義事實編

元好問壬辰雜編

元張翥忠義錄

雲鶴子解山考傳

王教山子

郝經行人志

郝天挺雲南實錄五卷

李惟馨知非齋稿一卷

馬祖常列后金鑑千秋記略

何榮祖學易記觀物外篇

明薛文清公年譜一卷武林楊鶴重編

任憲薛文清公行實錄三卷

謝琚月川先生年譜一卷 任環平倭錄二卷

王體復藏笥紀略

馬巒溫公年譜

王瓊雙溪雜記

陶琰忠孝節義錄

畢璽家乘錄

蘇祐雲中記一卷

李弘道遵道議衛道議

李維楨馬將軍傳一卷

趙載累世忠貞錄忠節祠錄

閔煦正祀考

辛全關聖志四卷理學名臣錄參定六卷

范弘嗣三晉正學編又直聖志聰聖志宗聖譜

裴嶰諫論解忠諫通編又布粟錄黔鳴錄

李廷寶先賢事跡

袁繼咸三立祠傳二卷

提學僉事

韓霖清風錄

李宋忠孝錄

馬世奇山右記一卷

國朝趙天麒續高士傳

畢振姬四州文獻

黃希聲關聖彙編又東雍士女志

武全文藏山紀事

趙吉士交山平賊記一卷

王永命山右孝子集又山右節烈集

威遠郭氏家乘四卷

劉梅三立祠傳贊四卷提學僉事

翟鳳翥涑水編又芝山書院記

范鄔鼎理學備考三十四卷廣理學考四十八冊又三晉

賦名宦備考三晉鄉賢備考

程之昭潞志拾遺二十卷又續乘餘錄程氏人物考

徐化溥雲中志十四卷

王永命邊工記

奇節編一卷紀狄貞女事

翟熠丁祀存考七卷

王右傳記附

子類

上古孔甲盤盂二十六篇黃帝之史或曰夏帝孔甲似非

唐務成子十一篇堯師稱堯問非古語

夏大命三十七篇舊傳禹所作其文似後世語師古曰命古禹字

商辛甲二十九篇殷臣七十諫而去周封之長子

周師曠六篇

神農二十篇

魏文侯六篇

公子牟四篇魏公子也先莊子莊子稱之

李克七篇子夏弟子相魏文侯

李子三十二篇名悝相魏文侯

吳起四十八篇

屋廬子一卷言彭聃之法

孫卿子十二卷宋志作二十卷

公孫龍子一卷

尉繚子二十九篇一作六卷

尸子二十卷

子華子十卷自言程氏名本字子華晉人中興書目曰近世依托朱子曰偽書也

漢河上公注道德經二卷

關尹子九卷

高誘注呂氏春秋三十六卷

文獻通考作二十卷

注淮南子十三卷

文獻通考作二十一卷

注戰國策三十三卷

吾邱壽王六篇

周黨上下篇

蒯子五篇

名通

徐樂一篇

晉孫盛老子考訊又老子糾

孫登老子注

魯勝上下經四篇又墨辨

孫綽孫子十二卷

裴元新言五卷

郭登之郭子三卷

賈泉注

王坦之廢莊論

元魏王叡炙轂子雜錄注解五卷

隋王通中說十卷十二策四卷

文中子謁見隋高祖一見而陳十二策編成四卷

王劭讀書記三十二卷內訓二十卷

同辛德源等撰

李播老子注

唐成元英注老子二卷道德經開題序訣義疏七卷莊子疏

十二卷

宋志作十卷文獻通考作三十三卷

李淳風感應經三卷

張果陰符經注一卷陰符經辨命論一卷

王涯注太元經六卷說元一卷

柳宗元注揚子法言十三卷

司馬子微坐忘論一卷

天隱子一卷

柳縱莊子注

尹知章老莊注

樊宗師樊子三十卷

宋宋咸遇文中子十卷

王曙莊子旨歸三篇列子旨歸一篇

司馬光微言三卷抄諸子書道德經注二卷文獻通考作潛虛

一卷集注四家楊子十三卷集注太元經六卷又家範

十卷師望元鑒十卷

孫復書十五篇復病韓琦言于上選書吏給紙筆命門人祖無擇就其家得書十五篇錄之藏于秘

閣一作十

王嗣宗中陵子三十卷

張行成潛虛衍義十卷

龔鼎臣中說解十卷

金楊雲翼莊列賦

元郝經刪注三子

何南卿南華注十三卷

明魏光緒南華沾字通

潘定王理堯道德經摘解

國朝李天馥三子注

集類詩賦附

趙荀况集二卷

漢司馬遷集二卷又賦十五篇

鴈門雲中隴西歌詩九篇河東蒲坂歌詩一篇

吾邱壽王集二卷賦八篇 周長孺賦二篇

張敞集二卷 馮衍集五卷

班彪集三卷 班固集十卷

班昭集昭著賦頌銘詠問注哀辭書論上疏遺令凡十六篇子婦丁氏為撰集之又作大家讚焉

班婕妤集

魏賈逵集二卷 母邱儉集二卷

魏顓集 王昶集五卷

王象集一卷

晉裴秀集三卷 王况集五卷

王渾集五卷 王深集四卷

王濟集二卷

裴楷集二卷

裴頌集十卷梁志作九卷

裴邈集二卷

衛展集四十卷

王澤集五卷

王愷集十五卷

王述集五卷一作八卷

王坦之集五卷一作七卷

孫楚集十卷

張敏文一卷

劉琨集十卷又別集十二卷見梁志

溫嶠集十卷

孫綽集十五卷梁志作二十五卷

王濛集五卷

孫統集五卷一作二卷梁志作九卷

孫紳集十卷

孫盛集十卷一作五卷

孫放集十五卷一作一卷梁志作十卷

王恭集五卷錄一卷

郭璞集十卷一作六卷又注楚辭十卷揚雄方法十三卷三蒼

三卷子虛上林賦一卷

王接雜議詩賦碑頌駁難 王愆期集十卷梁志作七卷

郭澄之集十卷

釋惠遠集十二卷又廬山集十卷

鍾夫人集二卷王渾妻 衛夫人集

南宋裴松之集十三卷 裴駟集六卷

裴昭明集九卷

南齊鮑照集十卷 鮑令暉詩一卷照之妹

柳忱集六卷

梁柳惔集二十卷 柳惔集十二卷

柳澄集六卷 裴子野集十四卷

山西通志 卷一百七十五
太原王氏家碑誄讚銘集二十卷

後魏明帝集一卷

孝文帝集三十九卷一作四十一卷

孝武帝集一卷

崔光集五十卷又詩三十八篇

陽固集三卷又北都賦 柳蚪集

薛孝通集六卷

溫子昇集三十九卷一作文筆三十五卷

高允代都賦 裴景融集又鄴都留都賦

梁作代都賦 陸曄七誘集十醉集

陸恭之集 陸印集十四卷

釋曇鸞安樂集二卷

北周明帝集五十卷一作九卷 趙平王集十卷一作八卷

滕簡王集十二卷一作八卷 柳弘集

薛寘文筆三十餘卷

隋王頰集十卷 薛道衡集三十卷

柳顧言集十卷 柳詵集五卷

李播集十卷 王霖雷賦

唐薛收集十卷 王勣東臯子集五卷

陸淳東臯子集略二卷 溫彥博集二十卷

宋令文集十卷 薛元超集三十卷

王勃集三十卷又詩八卷雜序八卷

狄仁傑集十卷 薛曜集二十卷

宋之問考功集十卷 裴耀卿纂崔液集十卷

裴行儉集二十卷 薛稷集三十卷

王澣文集十卷

王助雕蟲集十卷

王維集十卷

裴倩集五卷湓城集五卷倩均之父

樊澤集十卷

武就集五卷就元衡父

柳渾集十卷

呂溫集十卷

柳冕集

王之渙集

武元衡集十卷又詩三卷

文獻通考云舊有臨淮集七卷今存兩卷

武儒衡集二十五卷制集二十卷

柳宗元集四十五卷外集二卷

柳宗直西漢文類四十卷

張敦頤柳文音辨一卷

樊宗師集二百九十一卷詩七百六十九篇

一作詩集一卷

白氏長慶集七十五卷又後集十七卷別集補遺二卷

白行簡集二十卷

溫造集八十卷

王起集一百二十卷注崔融寶圖贊一卷

王涯集十卷又翰林歌詞一卷

柳仲郢集二十卷

溫庭筠握蘭集三卷金筌集十卷

文獻通考作七卷有外集一卷詩集五

卷漢南真稿十卷

司空圖一鳴集三十卷又擬綸集兩篇詩集十卷

高士廉文思博要一卷

盧綸詩集十卷

耿漳詩集一卷

楊巨源集五卷

裴夷直詩一卷

王翊集又賦一卷

王仲舒制集十卷又制誥二卷

薛廷珪鳳閣書嗣十卷

武元衡臨淮尺題二卷集賢院諸廳壁記二卷

薛逢集十卷詩十卷宋志作一卷別紙十三卷一作別集九卷賦集十

卷四卷一作四卷四六集六卷

薛能詩集十卷繁城集一卷又江干集

唐彥謙詩集三卷宋志作二卷文獻通考作鹿門先生集一卷

薛瑩集二卷洞庭詩集一卷

呂巖集 武平一詩一卷

陸淳東臯子集略二卷一作集三卷

劉冕集四卷 裴度集二卷

唐賦二十卷晁氏曰唐科舉之文也裴穎士裴度白居易薛逢陸龜蒙等作皆在焉

白居易杭越寄和詩一卷同元稹李諒元白繼和集一卷元稹白居易

易劉白倡和集三卷劉禹錫白居易三州倡和集一卷白居易元稹崔

元亮金針詩格三卷白氏制林一卷

唐彥謙詩集三卷 白行簡賦要一卷

王維詩格一卷

裴均荆潭倡和集一卷壽陽倡咏集十卷渚宮倡和集二

卷十卷峴山倡咏集八卷盛山倡和集一卷荆夔倡和集

柳惔集

于邵集四十卷 釋尚顏集五卷

王駕集六卷

裴說詩集一卷修文異名錄十一卷

郭震集四卷又九諫書一卷

員半千集十卷 王翰集十卷

王灣詩一卷 馮延巳集

山西通志
卷一百一十五
暢當詩一卷

薛季宣浪語集

聶夷中詩十卷

五代桑維翰集二卷

新書一卷

宋王溥集三十卷

一作二十一卷

陶穀集

柳開河東先生集十五卷

門人張景輯

王曙集四十卷

薛奎集四十卷

孫復睢陽子集十卷

高若訥集二十卷

狄遵度集二十卷

趙文度觀光集

任山晉溪集

李遵勗閒宴集二十卷

文彥博集三十卷補遺一卷又顯忠集二卷

司馬光集八十卷又全集一百一十六卷又續詩話一卷

一作二卷

畢士安集三十卷

王晟絳守池記注一卷

晟天聖中絳倅

畢仲游西臺集五十卷又元祐館職詔策詞記一卷

李復滴水集四十卷

紹聖三公詩二卷

司馬光歐陽修馮京著

許景衡橫塘集三十卷

楊察集二十卷

薛叔似藁二十卷

李榮集七十篇

王洙昌元集十卷又注杜詩三十六卷

司馬樞夏陽集二卷

樞字才仲溫公姪孫

司馬械逸堂集十卷

械字才叔樞之弟

張復條山集三十卷

趙達夫詩集

許翰襄陵集二十四卷

趙鼎得全居士集二卷忠正德文集十卷

王載道鹿臺詩文稿 劉海蟾詩一卷

王翼集 趙師懿柳文筆記一卷

趙昌言集

郭茂倩樂府詩集一卷 張愈妻蒲芝集 河東人

朱弁聘游集又曲洧風月堂詩話

金孫九鼎集 劉昂集

麻革貽溪先生集 李愈狂愚集二十卷

晁會元水集 趙元愚軒集

梁襄集 郭用中寂然居士集

劉摛集 劉汲西岩老人集

張邦彥有松堂集 李晏游仙野人集

許說集 鴈門人中州集有集傳河東

趙可玉峰散人集 李仲略丹源釣徒集

張鋸韋齋集 薛元曦上清集樵者問

毛麾平水集 姚孝錫雞肋集 中州集止存律詩五卷

申萬全詩集 郝僕虛舟居士集

武伯英詩集 何宏中成真集通理集

楊雲翼集 邊元鼎供奉集

段克己段成己二妙集又段成己菊軒集

王庭筠文集四十卷 李俊民鶴鳴老人集

邢安國詩集 劉震亨風露集

趙岐集 雷淵希顏集

田琢姑汾漫士集 宗經雲巖集

呂宗禮沾山集

劉從益蓬門集

許益詩集

元德明東山集三卷

劉祁神川遜士集二十卷

元好問遺山集中州集唐人鼓吹集

薛元曦瓊林集

李汾講義集

李獻能詩

李獻甫天倪集

獻甫同年華陰王元禮構得之傳於世

盧洵集

通真子林泉集二十卷

王萬鍾集

陳載集

田德秀集

元郝天挺集注唐人鼓吹集

同恕矩菴集二十卷

蘇天爵詩稿七卷

胡巨源集

曹之謙兌齋文集

王士元拙菴集

趙惟賢秋江文集

張著蒙溪集又詩學淵源

張思敬寓堂文集

宋衙秬山集十卷

王泰亨康莊文集

續執中畸菴文集

郝經陵川集

閻復靖軒集五十卷

衛元凱遺文

聶天章集

邱惟寅詩集

李冶敬齋集

張守大詩集

王構秦溪集

楊統集

段思誠集

房祺橫汾集

丁守中王官谷圖集

房希文淵雲集

薛延年竹軒文集

蘇天卿文類七十卷又春風亭筆記二卷

山西通志 卷一百一十五
柴潛道秋岩小稿寺又春風何榮祖大畜十集載道集

張起岩韓維學泫水倡和集

張翥蛻菴集又律詩二卷 單鵠河汾集

薩天錫鴈門集 趙惟賢賦解

呂思誠介軒集又嶺南集 馬祖常石田集

王守誠集 王克敬集

明晉府明德堂集 潘惠王朱勛智凝齋集

潘憲王朱孕移保和齋稿五卷

潘宣王朱恬皎綠筠軒稿四卷

潘裕王朱效慵寸陰手鏡東壁館書抄

潘定王朱瑛堯修業堂稿一卷又學鳩編二卷

保定王朱瑛坦清苑山房集

沁水王朱瑛堦衡漳稿又滄海披沙集

清源王朱幼圩飲河集二十五卷續集八卷又家訓詠史

篇 靈邱王朱遜烱雲溪稿

襄垣王朱遜燁思親篇

翁兆吉鄭翀羽劉澹之邱澄清雲朔草又三雲倡和集

王翰山林樵唱又做箒集梁園寓稿

張昌存齋稿 杜敦拙菴集四輔集

王礪荆南咏子鵠集聽椿吟稿

周麟詩文遺稿 李濬雲谿稿瀛海集

薛瑄河汾集門人張鼎輯又文清手稿

衛寧詩稿 韓文忠定公集四卷

李淮小泉集 郭紀聽鶴軒詩集

李孔楷大谷集八卷又女史百咏一卷

劉潔一菴集

周經文端公集

王鑰鴈門勝跡稿

白思明西軒集

張縉玉雪遺稿

張芮澹泉集

李浩南莊稿歸田集

陶琰世吟集

陶滋陶氏如線集少石吟稿

畢璽石屏文集石屏詩集

喬宇白巖集

王雲鳳博趣齋稿三卷

王瓊晉溪集

崔侃芥菴集

張潤試筆稿兩鎮詩

馬騏梅軒手簡集

劉龍紫巖集四十八卷

寇天敘涂水文集

呂陽晉詩選雅

朱俊噤佩蘭集

朱俊格天津集

廖俊河東漫興集

俊江西新淦人正德間鹽運同知寄籍于運

陳維蕃水南集

任佐汾野詩集

王繼本虛齋集

裴騫滁陽集薊門集

劉夔黃巖集金陵稿恆陽集處州錄大名吟稿

程夢桂友竹詩集迴文百咏一卷

劉虞夔中和堂稿

張鵬東巡集又遺文八卷

周鈇鈍軒集西上稿

閻樸文集

馬巒迎暉書屋稿

李廷寶毅軒詩文

楊博虞坡文集虞坡詩集虞坡雜集

梁格窺易集真隱園稿定齋存稿

王崇古山堂彙稿歸與漫興稿

元思謙玉堂集中州巖耕集慎修堂集

王三接槐溪文集

劉應時中齋集五山稿

梁綱高粱生集

梁維三桂堂集

梁蕙六種吟散莊集

王道行桂子園集十六卷

呂陽岫雲集

何東序九愚山房左右集

張四維條麓堂集二十卷續集十卷

栗應宏山居集六卷

李尚實蕭然亭集

孔天孕文谷集十六卷又漁溪稿海霞篇

張冕勝溪文集

李星詞賦雜咏

劉尙義柏山集四卷

趙訥集三十卷

李秉愚學吟稿

王濬初薇垣小草六卷

王家屏復宿山房稿四十卷

尹耕朔野山人集一百卷 任中立管窺集

郭鏊一泉稿

裴宇內山稿

郭鑿翰林詩國學文集居家文集

王國光司農草司銓草率意稿

栗魁周秦中詩文集 李錦製次麓子外集

萬世德湟中牘集

董光裕家藏稿

王時濟龍塢集

王紀莊毅公集

劉應誥吳齋集

李尚思梅軒詩稿

李紹賢館課草

王鳳萬竹園集

王體復姑射山人吟稿二卷又評詩集玩易集姑射山人

集

劉東星晉川集

鄭友周率真鳴

王之相琅玕集

晉承案牧郅初政集

晉承憲摹古草

山西通志 卷一百七十五
王宗舜四柳園草一卷

傅新德文恪公集

萬自約集

傅霖慕隨堂集

傅之謨下漚堂集

李成名半畝園詩集

裴邦奇巢雲詩四卷

邢大道白雲巢集二十四卷

呂乾健奉使漫稿

劉承寵蕉鹿集枕上吟

王標牖上十書

李光華勝游集

曹于汴仰節堂集

朱充林怡雲洞稿

朱新垓杞懷集求志集飽蘖集

李俸擊筑集

韓爌館閣草

孟時芳碧山堂叢蓀園集

王肖明昌穀樓詩集八卷

王臣直澶淵集澶水秋興夜告亭草

霍鏃韻衢集

閻睿晉郊集

段正介菴集三十卷

尙時彥草牕集

李嵩醒園文集

孫榮竹溪集

郭迎褒東土謳吟

段密衡齋集

李灝郊西吟稿

李仰穀音集

韓仰斗澹菴集

翟師偃冰玉稿

丁應觀學易堂集

趙用光蒼雪軒集二十卷

張鳳翼勾注山房集

蔡勳綠葉堂文集

張銓勝遊草國史集

程啟南日新堂稿

陳所行芝應軒草

魏光緒帶草樓詩稿

王邵二彌存稿十卷

董緒白鶴集

李鎮白石先生集

李甲黃菴欄雜著

白孕昌容安齋文集

劉有綸三忠詩文

陶用曙忠孝節義詩集又觀濤詩疑

辛全真樂窩稿樂天集清心集

桑拱陽說詩錄

韓雲新雨堂集勞人草

范弘嗣鬯鬱草二十卷又最上一乘晉國垂棘晉詩續雅

韓霖寓菴集兩園詩集

郭新詩集

賈之龍恬園草

張慎言泊水園集

張履旋靜音堂詩集

釋淨澄山居詩

釋義金勝嚴集

釋嬾雲詩集

李朝元靜安集詩一卷

太原節婦

國朝楊時化蘋閣集

常大忠集又貞勝編格物編

苗胙土中丞集

張修已太古居集

溫素知華岳續集二卷

趙天麒北原山房稿

劉令譽按豫集止園集

賈中衍易全書

白孕謙歸庸齋集二卷又東谷集

白方鴻少谷集

裴希度澹明野嘯集

李生光儒學辨正錄一卷友于集三卷

趙三麒桴槎集似園集馮翊草楚游草

徐化溥雲門全集

牛兆捷博韓集

畢振姬西北之文又西河遺教

馮如京秋水集古今鴈字詩選

馮雲驤飛霞樓草夢雲草蜀遊草

朱之俊瑯環選奇

李丕隆嬾雲齋集

趙瑾晉風選

程康莊自課堂集

程之珫舌耕堂文集十二卷詩集二十卷潞安詩選

朱裴荷亭集二卷

郭傳芳集五卷

趙氏奈園集

李中馥銀杏園文集

王庭議敬慎遺墨

王含光谷口集

桑芸雲笈集

李甲黃磊園文集

上官鉉四柏軒集誠正齋集

上官鑑一經樓集

吳璵銅川集

范鄙鼎五經堂草又三晉語錄初集十卷二集四卷又三

晉詩選初集十四卷二集十四卷三集二卷又續垂棘

編二集十卷三集十卷四集六卷

田六善鷓棲幔坡集又拾瑤錄

仇昌祚漪園集

馬光裕止齋文集

左光圖知非集嵩遊草隴上吟林左贈答詩學步吟

陳昌言述先草山中集斗築居稿

高鵬起晴園文集

侯七乘孝思堂集

王永命有懷堂筆八卷松韻堂筆四卷

趙瑾吳越兩山集二卷

武全文曠觀園集

馮魏墨香亭集

劉而介夢草集

曹續祖臥雲洞集

張燠五芝堂集十卷

賈鳴璽存悔堂詩五卷存悔堂古文四卷扈蹕詩一卷

陳廷敬午亭文編五十卷又歸去集二卷

戴廷杖半可集

張茂生息齋集

郭嶷然柏崖稿

田從典堯山集四卷

郭九會著存草十二卷

王尹方集一卷

李世惠鄰園集

王恭先適慕軒集又老學菴集

謝陳常用存堂稿一卷 翟燿壽憲樓集

王珣石和文集

雜類

漢甘石巫咸氏星經一卷

晉郭琦天文志五行傳 陸旭五星要訣兩儀真圖

唐李淳風法象志七卷晉書五代史天文志五行志又乾坤

秘奧七卷太陽太陰賦二卷日月氣象圖五卷上象二

十八宿纂要訣一卷太白會運逆北通代記圖一卷日

行黃道圖一卷月行九道圖一卷雲氣圖一卷渾天方

志圖一卷九州格一圖一卷

李淳風注釋周髀算經二卷音義一卷

宋劉義叟唐書天文志五行志

金楊雲翼五星聚井辨懸象賦勾股機要象數雜說

元郝經玉衡貞觀

明宋志祁周天五星

右天文

夏伯封叔昭明衍曆

漢司馬談萬歲曆一卷

後魏李業興壬子元曆一卷甲子元曆一卷七曜曆數一卷

七曜義疏一卷戊子曆一卷又殷甲寅曆甲曆衍數一

卷黃帝辛卯衍數一卷又九宮行基曆

唐李淳風晉書五代史律曆志麟德曆又注釋九章經要略

一卷又注釋孫子算經三卷注王孝通五經算法一卷

注甄鸞五曹算法二卷 王勃千歲曆

宋苗訓太平乾元曆九卷又太平興國七年新修曆經三卷

裴伯壽陳得一紀天曆紀六卷又統元曆五星立成二卷

統元曆盈縮朏朧立成一卷統元曆日出入氣刻立成

一卷統元曆義二卷統元七曜細行曆二卷統元曆氣

朔人行草一卷統元曆考古日食一卷

苗守信乾元曆

劉義叟唐書律曆志

明袁萬里黃鍾集算圖

右曆算

唐伯益嶽瀆經

夏山海經

禹迹圖

石志在稷山保貞觀石橫二尺五為方七十一豎三尺為方八十一共方五千七百五十一每方折

地百里志禹貢山川名古今州郡名山水地名刊刻極精今壤

漢蒲坂地記

晉裴秀禹貢地域圖十八篇

郭璞注桑欽水經三卷

一作郭璞撰

注山海經二十三卷

一作十八

卷又山海經音二卷山海經圖十卷山海經圖贊二卷

程機上黨國記

南宋郭緣生述征記

梁裴子野方國使圖一卷

北魏諸州記二十卷

北周薛寘西京記三卷代都略記三卷

樊深中岳潁州志五卷

隋裴矩西域圖記三卷高麗風俗一卷

山西通志 卷一百一十五
李播方志圖

唐李璋太原事迹記十四卷 裴莊北行記 冊北嶽 號時上

蔡允恭并州入朝道理記一卷又起記一卷

梁肅鹽池記

宋王洙皇祐方域圖記三十卷 一作五 十卷

邢昺景德朝陵地理志三十卷

王曙奉使錄一卷 文獻通考 作二卷

李宗諤汾陰記 李克一王屋山記一卷

林須霍山記一卷 薛映遼上京臨潢府記

王向弼龍門記三卷大禹治水元奧錄一卷

司馬光遊山行記十二卷 趙瞻西山別錄一卷

德睿龍山志 徐叔陽羊頭山記十卷

王雲雞林志三十卷又戴斗奉使錄二卷

高聿鹽池錄一卷

元張德輝邊堠紀行 歐陽元至正河防記 為賈 魯作

明尹耕兩鎮三關志十六卷 康丕揚三關志

王瓊漕河志 張凝寧遠志

安寶鳩山勝迹三卷

劉廷臣上谷須知上谷圖考南山圖考

國朝郭傳芳蜀槎途史一卷 畢振姬三川別誌

徐化溥北岳志 郭嶷然地理中庸

右地志

魏王象皇覽四十餘部部數十篇通八百餘萬字

梁裴子野類林三卷

隋于仲文略覽三十卷

唐柳仲郢柳氏自備三十卷 白居易白氏六帖

白氏家傳記三十卷

裴矩與歐陽詢陳叔達等撰藝文類聚一百卷

溫庭筠學海三十卷記室備要三卷

裴說修文異名錄十一卷摛紳要錄二卷

金鄭昌時羣書會要

明傅新德古今類書 呂子固五車一覽

廖永量羣書摘粹

右類書

晉郭頒魏晉世語十卷羣英論一卷

孫盛異同雜語 王蔚聖機論

續咸遠遊志十卷異物志十卷

裴啓語林

後周柳蚪文質論

唐柳宗元龍城錄一卷 柳公權小說舊聞記六卷

李德裕柳氏舊聞 柳祥瀟湘要錄十卷

張固常侍言旨一卷 常侍柳理也文獻通考云柳理記其世父芳所著

盧弘正昭義軍剩錄一卷 渾瑊紀行一卷

薛漁思河東記三卷 裴紫芝續卓異記一卷

裴約言靈異志五卷

宋宋太初簡談三十八篇 王洙談錄一卷

畢仲詢幕府燕閒錄一卷

金玉庭筠藂辨十卷

山西通志 卷一百七十五
元李溥雪菴長語

明楊一奇讀書紀

劉有誠自警語

張潤尋是錄

王珂自省編

仇時吉睡心編

梁紀樗櫟子山居稿

王光祖龍居子稿

葉振聲睡心草

魯世任問途贅一卷

王體復隆萬新語

邱東魯聞見錄

任佐書牕翼言

劉虞夔日錄聞見十卷 穀語二十卷

李製錦羣玉之府集注

劉有誠宦遊記

李汝重山林忠讜一卷

晉應槐漁樵莊說

傅新德誠勗淺言

魏光緒泰園紀談潞水客談

范弘嗣南原野記西岡雜俎

韓雲俎談

國朝白孕謙學言

左光圖寒牕清紀秉燭遊

裴希度息齋藏書

田雲安邑性宗絳陽正傳

屈擢升隨見錄

周啓文希賢錄

王之旦日新編

王大作藥言

党成冰壑全書

右說部

魏衛覬魏官儀

梁裴子野附益諡法一卷

後魏常景復魏儀注三十二卷

北齊魏彥深北齊吉禮七十二卷

肅嚴植之王太子喪禮十卷

唐裴矩大唐書儀十卷

同虞世南

柳瑛唐禮纂要十八卷

郭山暉大享明堂儀注二卷親享太廟儀三卷

裴守貞神岳封禪儀注十卷

王彥威元和曲臺禮三十卷又續曲臺禮三十卷

王彥威續諡法一卷

員半千明堂新禮三卷

裴度書儀二卷

裴瑾崇豐二陵集禮

瑾字封叔光庭曾孫元和中吉州刺史

裴蒞內外親族五服儀二卷又書儀二卷

葬王播儀一卷

宋王旦汾陰祠壇頌

丁謂大中祥符祀汾陰儀五十卷祥符瑞贊五卷

司馬光書儀八卷又涑水家儀一卷居家雜儀一卷

陳彭年汾陰記

金楊雲翼校大金禮儀

元孟攀鱗等定太常禮儀

王守誠太常典禮集

明史學遷四禮一卷

桑拱陽家禮維風

國朝白孕謙祭約一卷

右禮儀

魏王昶治論二十篇又家誠

宋王元則時變論六篇

北魏王虬政大論八篇

王彥政小論八篇

王濟皇極讜議九篇

隋王隆興衰要論七篇

金楊雲翼趙秉文龜鏡萬年錄又同集君臣政要編

元馬祖常皇圖大訓風憲宏綱

趙世延彙次風憲宏綱

明王政牧民手鏡

毛深臚菴政蹟錄

李廷寶牧民懿矩

翟繡裳政蹟集

韓范經世集要司馬紀略司空紀略

陳所行令永紀略

韓霖救荒書又鐸書

段正柏臺公案十五卷

呂坤實政錄

呂陽經世心鑑

郭迎褒恤稿又天水實政

王國光萬曆會計錄

鄭友周治平竊議

楚鈇從事錄

范弘嗣方公百政記

任萬民救時八議又守城十二說

救荒策

記洪洞知縣方旦心救荒事

國朝于成龍于公斷案

趙三麒牧同紀略

右政治

漢鮑昱辭訟七卷決事都目八卷

為司徒時定

穎容條例五萬言

晉賈充刑法律本二十一卷又晉令四十卷

同杜預定

後魏方司格一卷

北齊趙郡王叡北齊律二十卷令八卷

隋裴政修定律令

唐裴寂武德律十二卷

一作二十四卷

令三十一卷

裴弘猷

一作猷

貞觀律十二卷格十八卷令二十七卷留司

格一卷式十三卷

同房元齡長孫無忌等奉詔撰定

柳奭永徽律十二卷

同長孫無忌等奉詔撰定

裴行儉裴炎永徽留本司格後十一卷同劉仁軌等奉詔撰

裴居道垂拱式二十卷武后製序新格散格三卷留司格六卷

狄光嗣刪垂拱式二十卷同韋安石等

裴灌刪定開元後格令式六十卷同宋璟等

裴光庭唐開元格令科要一卷

元和刪定制數三十卷 趙仁本法例二卷

金邢德太和律令

元趙世延較定元律令 趙惟賢刑統

明楊憲定明律令

右刑法

上古風后握奇經一卷馬隆序風后軒轅臣幄者帳也大將所居言其事不可妄示人故云握奇

孤虛二十卷

周吳起吳子兵法一卷一作三卷朱服校定作二篇又玉帳陰符三卷

尉繚子兵書一卷一作五卷 孫子三十二壘經一卷

趙李左車兵法一篇

漢公孫弘握奇經注

魏王昶兵書十餘篇 賈翊注吳子兵法一卷

晉馬隆握機贊

後周齊王憲兵書要略十卷

唐李淳風諸家秘要三卷又行軍時秘訣一卷懸鏡十卷倚

馬立成法二卷 員半千臨戎孝經二卷

郭震郭代公定遠安邊策三卷

裴行儉安置軍營行陣等四十六訣

裴守一軍誠三卷又兵家正史九卷行軍周易占一卷

裴緒裴子新令一卷 宋志作二卷

宋王洙三朝經武聖略十卷清邊武略十五卷風角占一卷

青囊括一卷

王拱辰平蠻雜議十卷敵樓馬面法式及申明條約并修

城女牆法二卷

石普軍機條目二卷用將機宜要訣二圖

劉滬備邊機要一卷 張載注尉繚子一卷

薛向陝西建明一卷

薛季宣校定風后握奇經一卷

方炯重演握奇經三卷又握奇陣圖一卷

李灝安邊策

明李進寶兵機要略 王緝防邊紀略

何東序息盜兵書又益智兵書一百卷

韓霖守圉全書神器譜砲臺圖說

鄭露孫武子注 太原人 楊夢熊防滄要略二卷

劉寅六書直解 太原人

國朝王暉武經三子集注

右兵家書

梁裴子野百官九品志二卷

唐溫大雅大丞相唐王官屬記

裴行儉選譜十篇唐循資格一卷

柳芳大唐宰相表三卷 王涯唐循資格五卷 宋志作一卷

賀蘭正元輔佐記十卷又選舉衡鑑三卷 昭義判官元和十三年上

王彥威占額圖一卷

宋司馬光百官公卿表十五卷

文獻通考作一百四十五卷

又官制遺稿

一卷學制遺稿一卷

明晉淑忤六部職掌

王體復相臣通表

右職官

漢曹大家女誡七篇

梁王元規孝弟義記二卷

唐狄仁傑家範一卷先賢誡子書二卷

柳玘柳氏家訓

柳玘誡子拾遺十卷

柳氏家學要錄

韋氏續曹大家女誡河東薛蒙妻

宋王秣燕翼貽謀錄

明王夫人家範十篇

鎮國將軍朱詮錄妻

楊瞻祀先睦族錄

鄭友周居家節要

晉應槐庭訓錄

晉承命教家言維風錄

李初茂家訓

右家訓

漢蒼頡傳一篇

杜林蒼頡訓纂一篇又杜林蒼頡故一篇

晉衛恆四體書勢一卷

陽承慶字統二十卷

齊宋世良字略五篇

後魏陸暉擬急就篇悟蒙章

隋王劭俗語難字一卷

唐劉鎔劉氏經典集音二十卷

鎔字正範絳州正平人咸通間晉州長史

宋張彥遠法書要錄十卷

彥遠弘靖孫乾符初大理卿

裴行儉草字雜體

釋大愚韻母

山西通志 卷一百七十五
邱延翰唐蒙求三卷

宋潘師旦絳帖二十卷

李異切韻門庭

司馬光切韻指掌圖一卷又名苑類編四十四卷

薛尚功重廣鐘鼎篆韻七卷又歷代鐘鼎彝器款識帖二

十卷

劉次莊絳帖釋文二卷

黃庭堅絳帖跋一卷

榮芑絳帖釋文并說一卷

無名子絳帖字鑑二卷

姜夔絳帖評二十卷

東庫帖二十卷

金毛麾平水韻

鄭昌時韻類節事

元李冑堂西溪法帖

劉致復古糾繆編

薛延年小學纂圖

明晉世子奇源寶賢堂帖十二卷

楊一奇體物韻語

常倫校正字法一篇

王雲鳳小學章句四冊又隸韻

韓肫仁養中養才類編

喬邦俊切音渠鉞二十四卷

梁綸稽古叶聲三卷

韓霖絳帖考

席珍四書五經性理通鑑音義字考

靈邱府朱鼎錕崇理帖一卷

陶滋石鼓正譌一卷

王元雅清畫堂帖

國朝李中馥石鼓考

趙師尹四書正音詩叶糾譌

宋王桓訓幼切言

張志遠切字要訣一卷

李毓秀訓蒙文一卷四書字類釋義六卷

張亦堪張氏說楷一卷

王右字學

隋王劭開皇二十年書目四卷

唐薛稷等道藏音義目錄一百一十三卷

柳仲郢西堂書目

宋晉陽王氏碑目

王堯臣歐陽修崇文總目六十六卷

明韓霖卉乘樓書目

右書目

漢司馬氏世家二卷

晉賈弼姓氏簿狀七百一十一篇

南宋賈淵十八州士族譜百七十餘卷

梁賈希鏡姓氏要狀十五篇

賈執姓氏英賢譜一百篇又百家譜五卷

賈冠梁太子序親簿四篇 冀州姓族譜二卷

唐高士廉大唐氏族志百卷 同韋挺岑文本等撰

柳冲大唐族姓系錄二百卷

柳芳姓系錄論 柳燦姓氏韻略六卷

薛氏家譜一卷

宋裴揚休百氏譜五卷 一作三卷

司馬光宗室世表三卷又臣僚家譜一卷

元覃氏世系譜

明韓仰斗韓氏家譜 韓范本支世系圖考

陶琰陶氏族譜 令狐注令狐氏家譜

國朝翟鳳翥桐園譜又裴氏家譜

白孕謙白氏家譜 曹續祖曹氏家譜

于準于氏家譜

右姓譜

上古風后一卷又三命三卷

周子夏易占一卷

史蘇龜經一卷一作十卷又沈思經一卷龜眼玉鈴論三卷五

兆穴門術三卷靈碁一卷龜繚繞訣一卷

師曠占書一卷又擇日法一卷假黃帝問答

漢黃帝朔書一卷托太公師曠東方朔撰

晉郭璞周易察微經一卷周易鬼眼算一卷周易逆刺一卷

易鑑三卷三命通照神白經三卷葬書一卷又序八五

經一卷狐首經一卷青囊補注三卷

柳彥詢龜經三卷

南宋柳世隆龜經三卷又龜經秘要三卷

梁柳惲十杖龜經

北魏關朗洞極元經傳五卷

唐李淳風乙巳占秘閣錄演齊人要術元語經三卷乾坤秘

錄一卷立觀經一卷占燈法一卷觀燈法一卷一行禪

師葬律秘密經十卷李淳風得于石室質龜論一卷

柳燦夢雋一卷

邱延翰撥砂經又銅函記一卷五家通天局一卷金鏡圖

一卷

宋中條山道士王鄴易鏡二卷

王洙地理新書三十卷

右卜筮

晉王叔和脈經十卷脈訣四卷脈賦三卷孩子脈論一卷脈
王訣機要三卷

王叔和張仲景藥方十五卷又傷寒卒病論十卷金匱要
略方三卷 王叔和金匱玉函八卷

唐王勃醫語纂要一卷 王起仙人水鏡一卷

張果傷寒論一卷

薛景晦古今集驗方十卷 景晦元和刑部郎中貶道州刺史

裴王庭五色旁通五臟圖一卷

薛弘慶兵部手集方三卷 兵部尚書李絳所傳方弘慶太和河中少尹

王燾外臺秘要方四十卷 燾窮醫術作書討繹精明世寶焉

宋司馬光醫問七卷

楊氏妝臺寶鑑集三卷 南陽公主

高若訥素問誤文闕義一卷傷寒類要四卷

裴宗元藥詮總辨三卷 伯樂鍼經二卷

王袞王氏博濟方五卷 太原人

文彥博藥準一卷 王翼素問注疑難傷寒歌括

明鄭宗周刪定本草集

國朝趙三麒醫脈繫辭 程之昭醫海勺波

白孕昌醫砥醫約醫源醫彙各十卷

右醫術類

周伯樂相馬經二卷

神農採藥經二卷 伯樂療馬經一卷

晉張華注師曠禽經一卷 郭義恭廣志卷

唐王績酒經一卷酒譜二卷 李淳風四民福祿論二卷

裴孝源畫品錄一卷

裴澄乘輿月令十二卷

王勃平臺秘略

王維畫學密訣一卷

溫庭筠採茶錄一卷

張彥遠歷代名畫記十卷

荆浩筆法記一卷

徐賢相馬經

司空輿圖發燄錄一卷

輿圖父大中時商州刺史

宋始一作姑

布子卿相法一作書一卷

司馬光占課禽宿情性訣一卷

金王庭筠品第法書名畫記五百五十卷

右雜藝術

魏靈辨華嚴論一百卷

曇鸞服氣要訣一卷調氣論禮淨土十二偈續龍樹偈

晉慧遠法性論十四篇抄大智度論要二十卷

孫綽至人高士傳二卷列仙傳贊三卷

梁裴子野名僧傳十五卷衆僧傳二十卷

北魏崔光維摩十地經義疏三十卷

北齊劉謙之華嚴論六十篇

後周釋慧涅盤經注

隋王劭舍利感應記三卷 柳詵法華元宗十五卷

唐張果氣訣一卷神仙得道靈藥經一卷罔象成名圖一卷

丹砂訣一卷開元二十二年上紫靈丹砂表一卷內真妙用訣

一卷休糧服氣法一卷

澄觀華嚴疏鈔又隨疏演義四十卷隨文手鏡一百卷華

嚴綱要三卷正要一卷法界觀元鏡一卷燈說文一卷

三聖圖融觀一卷七處九會華藏界圖心鏡說文十卷

華嚴圓覺四分中觀等經律論關脈三十餘部

裴鉉延壽赤書一卷

志遠法華疏止觀疏義

鍾離傳道錄一卷

呂巖九真玉書一卷

溫造瞿童述一卷

大曆辰溪童子瞿柏庭升仙造為郎州刺史追述其事

李師政內德誦一卷

師政上黨人貞觀門下典儀

法雲辨量三教論三卷又十王三業論十卷

絳州人

靈潤涅槃義疏十三卷又元章三卷徧攝大乘論義鈔十

三卷元章三卷

姓梁氏虞鄉人

道綽淨土論二卷

姓衛氏并州文水人

慧旻十誦私記十三卷又僧尼行事三卷尼眾羯磨二卷

菩薩戒義疏四卷

字元素河東人

白居易八漸通直議一卷

周少陽導引錄三卷

浮山隱士代德時人

裴休問源又拾遺問一卷希運傳心法要一卷

宋李遵勗天聖廣燈錄三十卷

代淵佛老雜說

慧祥古清涼傳二卷

王溥箋陳搏指元篇八十一章

甄棲真還金篇

李通元華嚴合論一卷

盧播侯真人傳一卷

張端金液還丹悟真篇一卷

海蟾子還金篇一卷

薛元曦上清集上清外史

李道元修行訣疑論四卷十元六相論一卷十二緣生論

一卷

元海印肇論注

真覺慧燈集

明寶金華嚴字母佛事梵音清雅

山百通志

卷一百一十五 經籍

五

義金校正水陸儀六卷

李通元華嚴論四十卷又決疑論

國朝尺木銅鞮語錄

右仙釋書

山西通志卷第一百七十五

山西通志卷第一百七十六

山西巡撫都察院右副都御史臣覺羅石麟奉

旨修輯

辨證

辨必得證而始實證必得辨而始析三晉郡縣古今殊制
中有名同而實異暨他郡縣之僑治於晉晉郡縣之僑治
於他地又若紀人紀事間有疑舛者辨以析之證以實之
志辨證

太原府

陽曲縣

路史參大夏實沈封大夏是為參今太原陽曲舊晉陽城也
晉故唐都鄂夏虛也後曰晉以水名今并之陽曲故平

山西通志 卷之二十一 陽曲縣

晉西南十六里有叔虞祠墓故詩止曰唐世本叔虞居鄂鄂今大夏故云唐本堯封在夏虛晉陽漢志陽曲注師古曰隋文帝自以姓楊故惡陽曲之號改爲陽直今則復舊名焉 通典漢狼孟縣故城在城東北河千里一曲當其陽故曰陽曲漢陽曲縣今定襄郡定襄縣是也後漢移置今有乾燭谷卽羊腸坂也 漢志狼孟注莽曰狼調 章懷注狼孟屬太原郡故城在今并州陽曲縣東北

按狼孟縣至晉而廢

地形志永安郡陽曲注二漢晉屬太原永安中屬有羅陰城陽曲澤 西夏州記治并州界領太安神武二郡

舊唐志陽曲隋陽直縣武德三年分置汾陽縣七年省陽直

縣改汾陽爲陽曲縣仍移治陽直廢縣其年又分置羅陰縣貞觀元年省十七年又省燕然併入

元和志陽曲故城在太原縣東北四十五里

陸遊老學庵筆記太平興國四年平太原降爲并州廢舊城徙州於榆次今太原則又非榆次乃三交城也城在舊城西北三十里亦形勝之地本名故軍又嘗爲唐明鎮有晉文公廟甚盛平太原後三年帥潘美奏乞爲并州從之於是徙晉文公廟以廟之故址爲州治又徙陽曲縣於三交而榆次復爲縣

按三交城在縣西十五里卽大夫竇鳴犢城舊有驛路通忻州

宋太平興國七年二月移并州治唐明鎮唐明監舊領河東

山西通志 卷一百一十一
宋路經畧使元豐爲次府大觀元年升大都督府 時有大通永利二監

按今太原城北二十里有平晉故城卽永利監所在
宋熙寧三年廢平晉入陽曲政和五年復金貞祐四年廢平晉興定元年復置

金號武勇軍并州太原郡河東軍總管府置轉運司

元太祖十一年立太原路總管府大德九年改冀寧路隸河東山西道肅政廉訪司有錄事司

陽曲辨 陽曲秦爲狼孟在今縣北六十里漢置陽曲在今縣東北八十里乃忻州定襄縣界也漢末徙太原縣北四十五里魏武築城於太原之北狼孟之南隋改陽直又徙治漢汾陽故城在今縣治西七十里復分孟縣尋廢唐

初析陽直置汾陽又省陽直更汾陽曰陽曲在城東六十
五里後又徙治陽直廢縣今縣東北六十里有汾陰城名
羅陰村卽隋之洛陰府唐初別置之羅陰縣也武德時置
蔚州貞觀時置燕然縣皆僑治并州陽曲宋徙陽曲於今
西郭十五里卽三交城西北六七里有古城遺蹟意卽魏
陽曲護軍治水經注所謂洛陰水逕陽曲城北汾水逕陽
曲城西南注者也歷元明而陽曲附郭遂永爲會城然宋
金以前陽曲在北皆由遠遷近未可以今縣治爲古陽曲
也

太原縣

顧炎武太原辨 薄伐玁狁至於太原毛鄭皆不詳其地其
以爲今太原陽曲縣者始於朱子

呂氏讀詩記嚴氏詩緝並云

而愚未

敢信也古之言太原者多矣若此詩則必先求涇陽所在而後太原可得而明也漢書地理志安定郡有涇陽縣開頭山在西禹貢涇水所出後漢書靈帝紀段熲破先零羗於涇陽涇陽注涇陽縣在安定屬原州郡縣志原州平涼縣本漢涇陽縣地今縣西四十里涇陽故城是也然則太原當卽今之平涼而後魏立爲原州亦是取古太原之名爾唐書原州平涼卽治高平廣德元年朱汶吐蕃節度使馬麟表置行原州於靈臺之百里城貞元十九年徙治平涼元和三年又徙治臨涇大中三年收復關隴歸治高平計周人之禦獫狁必在涇原之間若晉陽之太原在大河之東距周京千五百里豈有寇從西來兵反東出者乎故天子命我城彼朔方而國語宣王料民於太原亦以其地近邊而爲禦戎之備必不料之於晉國也又按漢書賈捐之言秦地南不過閩越北

不過太原而天下潰畔亦是平涼而非晉陽也

漢武帝始開朔方郡

故秦但有隴西北地上郡而止若晉陽之太原則其外有雁門雲中九原不得言不過也若書禹貢既

修太原至於岳陽春秋晉荀吳帥師敗狄於太原及子產

對叔向宣汾洮障大澤以處太原則是今之晉陽而豈可

以晉之太原爲周之太原乎

司馬相如上林賦布濩閭澤延蔓太原阮籍東平賦長風

振厲蕭條太原高平日原蓋古人之通稱也

禹貢既修太原小雅至於太原左傳臺駘能業其官以處

太原春秋昭公元年晉荀吳帥師敗狄于大鹵三傳皆作

太原左傳遷實沈於大夏史記禹鑿龍門通大夏齊桓公

西伐大夏左傳命唐叔以唐誥而封於夏虛春秋定公十

三年晉趙鞅入於晉陽以叛杜注大夏太原晉陽縣也通

典大鹵卽太原晉陽縣也晉大鹵太原大夏夏虛晉陽六

名其實一也

通典今之并州古唐國也昔帝堯爲唐侯所封之國及夏禹所都之地 博陵界有堯城爲堯始封之國當是徙於此也後遷平陽

帝王世紀堯始封於唐後徙晉陽及爲天子都平陽而封其別子於此仍爲唐國 史記註唐本堯後封在夏墟

夏禹都陽城太原安邑世紀禹自安邑徙晉陽漢志自平陽遷安邑後徙晉陽通典并州太原禹所都注云禹都或爲今太原或爲今平陽或爲河東安邑或云今河南陽翟不一也

前漢志晉陽注故詩唐國周成王滅唐封弟叔虞龍山在西北有鹽官晉水所出東入汾臣瓚曰所謂唐今河東永安

是也去晉四百里師古曰瓚說是也太原卽今晉陽岳陽在今太原西南

後漢志晉陽本唐國有龍山晉水所出刺史治注毛詩譜曰堯始都此後遷河東平陽左傳遷實沈於大夏賈逵曰陶唐之胤劉累也杜元凱曰今晉陽縣

漢志潁川郡父城縣注應鄉故國周武王弟所封應邵曰韓詩外傳周成王與弟戲以桐葉爲圭吾以此封汝周公曰天子無戲言王應時而封故曰應侯鄉是也臣瓚曰呂氏春秋曰成王以戲授桐葉爲圭以封叔虞非應侯也汲郡古文殷時已自有國非成王之所造也師古曰武王之弟莫自封應國非桐圭之事也應氏之說蓋失之焉

成王滅唐而封太叔叔虞子燮父改爲晉侯 唐有晉水故

漢志註太原郡秦置有鹽官在晉陽屬并州有家馬官 通
典秦太原郡今太原西河昌化定襄及雁門之南境樓煩
等郡地皆是也

漢高帝六年十二月以太原郡三十一縣爲韓國徙韓王信
都晉陽十一年春正月上擊陳豨還擇可立爲代王者燕
王綰相國何等三十三人皆曰子恒賢智溫良請立以爲
代王都晉陽 漢武帝置并州領郡九古冀州西境則屬
司隸今河東絳郡平陽河內汲郡 并州理晉陽今太原
府 建武十一年省朔方牧併并州朔方郡在今夏州朔
方縣北 建安十八年正月詔并十四州復爲九州 獻
帝春秋時省幽并州以其郡國并於冀州省司隸校尉及

涼州以其郡國并爲雍州省梁州并荊州益州 獻帝起
居注建安十八年三月庚寅省州并郡復禹貢之九州冀
州得太原上黨西河定襄雁門雲中五原河東代郡 凡
三十二都省司隸校尉以司隸所部分屬冀州 二十五
年冬太原復隸并州

魏黃初元年復置并州自陘嶺以北胥棄之晉因而不改
按漢并州隸十郡并之全也魏置并州非并之全也
晉志并州禹貢蓋冀州之域舜置十二牧則其一也領郡國
六 晉陽侯國

按晉之并州亦非并之全也

地形志并州注漢晉治晉陽晉末治臺壁後治晉陽皇始元
年并州平復置 太原郡晉陽註真君九年罷榆次屬焉

有介子推祠西南有懸壘山有晉王祠梗陽城同過水永昌中霸朝置大丞相府武定初齊獻武王置晉陽宮

魏太宗南巡崔浩隨軍爲謀主及還從太宗幸西河太原登憩高陵下臨河流傍覽川域慨然有感遂與同僚論五等郡縣之是非考秦始皇漢武帝之違失好古識治時服其言

後齊并州置省立別宮

後周建德六年二月置并州總管及六府十二月丁卯廢并州宮及六府 六年十二月庚申行幸并州宮移并州軍人四萬戶於關中

隋置并州大都督開皇二年置河北道行臺九年改爲總管府大業初州廢 太原郡晉陽註後齊置曰龍山帶太原

郡開皇初郡廢十年改縣曰晉陽十六年又置清源縣大業初省入焉有龍山蒙山 太原注舊曰晉陽開皇十年分置陽直縣大業初省入焉有晉陽宮有晉水

唐初止京兆河南二府武后以并州爲太原府元宗以蒲州爲河中府後又益成都鳳翔江陵興元府 舊唐志太原漢晉陽縣隋文又移於州城內古晉陽城置今州所治唐城卽太原縣治唐叔虞子燮父徙都此

唐書崔神慶傳則天時擢拜并州長史先是并州有東西二城隔汾水神慶始築城相接每歲省防禦兵數千人邊州甚以爲便 唐地理志兩城之間有中城武后時築以合

東城

卽宋史太宗紀連城也

唐景雲中置北都左汾右晉潛邱在中晉陽宮在都之西北

長史持節領和戎大武諸軍開元八年更爲天平節度使
十一年復更天平節度爲太原道節度使領太原以北而
以雲朔蔚代諸州隸之後改稱河東道 河東節度使理
太原府天授元年曰北都天寶元年曰北京上元二年罷
肅宗元年復爲北都 後唐同光元年四月以太原爲西
京十一月復太原爲北都 五代史記并州後唐建北都
其軍仍曰河東

北漢有并汾忻代嵐憲隆沁遼麟石諸州之地

通鑑劉崇所有者并汾忻代嵐憲隆蔚沁遼麟石十二州之
地歐陽史職方考則云自太原以北十州爲北漢而無隆
蔚二州之名夫晉高祖割山前七州山後九州以畀契丹
而蔚州在其中則通鑑以蔚州爲北漢有者誤也至隆州

乃北漢所置備載地理表中列其名以補五代史之闕
揮塵錄太宗以晉王卽位升并州爲太原府

宋太平興國四年平太原得寶興軍并汾嵐憲忻代遼沁隆
石十州 是年以平定樂平二縣屬平定軍交城屬大通
監

晉陽辨 太原舊隸并州然漢并州領郡十晉并州領郡
國六胥非專制太原漢晉并州治晉陽城在今太原縣北
一里一名唐城晉末治黎城縣之臺壁後復治晉陽符姚
赫連徙并州置河東唐以太原爲北都置留守宋太平興
國四年平太原毀其城改爲平晉縣以榆次爲新并州七
年二月復徙并州於唐明鎮因晉文公廟爲州治而盡徙
太原民于唐明府仍號太原縣是太原府亦稱晉陽矣自

春秋時董安于理晉陽公宮東魏靜帝時置晉陽宮隋更名新城開皇時又築倉城唐貞觀時長史李勣築於汾河東岸曰東城武后時長史崔神慶築於汾東西之間曰中城晉在晉陽今太原縣治東北地也晉趙鞅入晉陽尹鐸爲晉陽保障漢高帝徙韓王信都晉陽立子恆爲代王都晉陽北齊文宣帝御金輅入晉陽宮廢帝昭帝卽位於晉陽宣德殿唐高謩義師於晉陽李克用大治晉陽城塹晉係一地是今太原縣治且與古晉陽少殊奚得以郡邑同名太原遂漫指爲一耶

兩漢書注帝王世紀及左傳杜注通典等書皆謂晉陽爲叔虞封地且以晉水爲証後人遂沿而不覈按史記晉世家唐在河汾之東方百里於今翼城爲近顧炎武王世家有辨詳見翼城縣

按魏地形志齊州有太原郡注劉義隆置魏因之太原注司馬德宗置魏因之治升城有靡溝垣城又潁州有太原郡俱非此太原

漢書注龍山在晉陽西北今考天龍山在太原縣西南蓋自晉魏以後懸甕著名懸甕以北諸山名漸繁夥遂析懸甕龍山爲二其實太原西北山皆古龍山也地形志注懸甕山一名龍山晉水所出可爲確証

榆次縣

漢志榆次涂水鄉晉大夫知徐吾邑梗陽鄉魏戊邑莽曰太原亭

水經注汾水西與華水合逕一故城西俗謂之梗陽城非也

水梗陽在榆次

地形志榆次注二漢晉屬真君九年併晉陽景明元年復有鹿臺山祠長寧水西北合同過

榆次古城創於漢漢置縣於中都城與榆次同隸太原郡

一名內都城後齊曰中都以隋諱改武觀城一名武館

城卽水經洞渦水至武觀城西北者也晉謂之故郛

宋太平興國四年五月戊子以榆次縣爲新并州乙未築新城丙申徙晉陽餘民於新城

金志有麓臺山塗水

按地形志太原郡中都注二漢晉屬有榆次城壽陽城平譚城原過祠早山唐於河東郡置中都爲府非此中都今汾州平遙漢亦名中都乃代國繇晉陽而遷者也

又按壽陽城與大陵之受陽別

太谷縣

春秋時晉大夫陽處父封陽邑

僖公二十三年晉敗狄於箕杜注太原陽邑有箕城漢志注因之曰知錄曰狄伐晉及箕必近國之地入我河縣焚我箕却又必邊河之邑文公八年有箕鄭父襄公二十一年有箕遺當亦以邑名其人

漢志陽邑注莽曰繁禳

陽邑城卽故縣治今爲王班堡在治東十五里後周建德四年西遷今縣舊城遂廢箕城在治東三十五里

田邑報馮衍書上黨見圍不窺太谷章懷注卽上所謂上黨黠賊大衆圍城者也太谷自太原趣上黨之道不窺言不

山西通志 卷一百一十一
求救也今并州太谷縣西有太谷是也隋開皇改陽邑曰太谷以縣西南有太谷也 通典縣西有太谷

唐志武德三年以太谷祁置太州六年州廢二縣屬太原郡東南八十里馬嶺上有長城自平城至於魯口三百里貞觀元年廢

金志有太谷山蔣水

祁縣

漢志祈晉大夫賈辛邑高祖封繒賀爲祁侯莽曰元按賈辛卽祈大夫

劉淵左部居祁

地形志太原郡祁注二漢晉屬有祁城祁奚墓周黨冢太谷水趙襄子城

按古祁城在治東南十五里襄子城今爲城趙村城東有土臺三亦襄子築

金志祁有幘山太谷水

李而洵祁邑源流考 昔禪通之敘五帝曰太昊而後炎帝

繼出姓伊耆氏蓋以祁國伊繼國耆而稱名也黃帝握符子二十五人得姓者祁已滕箴任荀嬉姑懷依二姬二酉凡十四故六一氏曰黃帝之子首食於祁而世厥土帝堯生於丹陵徙於祁故亦姓伊耆始依炎帝之舊與載考左國史鑑竹書開山等集所載僉同且謂耆祈祁本一字卽太原府祁縣故今祁地北四十里曰堯城南五十里曰平陶均稱帝堯始封地則祁之封建愈明矣是古帝有五而祁擅其三也今祁東六支村二帝行宮巍然具焉其卽當

年遺址與

按金興定四年正月以壽陽縣西張寨置晉州清源太谷祁縣胥隸焉元初州廢此晉州與平陽府古名晉州別

徐溝縣

戰國時周倭以西周善於秦封之梗陽史記索隱注榆次有梗陽鄉榆次舊志西南六十里爲徐溝而梗陽鄉在西南九十里故應入徐溝

徐溝卽清源之徐川鎮金大定十九年升爲縣

高歡建牙陽曲川梗陽驛子應之是梗陽舊有驛也徐溝鎮嘗隸清源而爲洞渦象峪沮洳地驛當在米陽堯城白圭間或曰今徐溝卽梗陽鄉也

按堯城米陽在清源白圭在祁縣

清源縣

左傳中行穆子見梗陽之巫臯杜注太原晉陽縣南梗陽城

也

城在縣南百二十步

趙惠文王十一年秦取梗陽

索隱曰地理志太原榆次有梗陽鄉正義曰括地志梗陽

故城在并州清源縣南百二十步分晉陽縣置本漢榆次縣地春秋晉大夫祁氏邑也

漢志注榆次梗陽鄉魏戊邑

後漢志晉陽有龍山晉水所出刺史治注漢官曰南有梗陽城中行獻子見巫臯

隋開皇十六年始置清源後省唐武德元年復置元和志

山西通志 卷一百一十一
梗陽城在清源縣南百二十步

京相璠曰晉陽西南十里榆次界入梗陽

梗陽辨 晉滅祁氏魏獻子爲政分其田爲七縣以魏戊爲梗陽大夫此梗陽鄉梗陽城之名所繇始也今榆次清源徐溝祁四縣皆祁氏邑也而梗陽之在榆次清源徐溝未覈定址按金大定後乃立徐溝縣前此梗陽鄉一十一村猶西隸清源也考杜注梗陽屬晉陽南索隱則以爲榆次所有括地志與索隱合而後漢志注以梗陽屬晉陽與前漢注屬榆次似小別細覈之則一而已矣古晉陽卽今太原縣也繇太原而西南爲清源縣清源而東爲徐溝而繇太原而東爲榆次榆次地本廣晉時曾析餘地爲壽陽北魏省入晉陽北齊省入中都仍名榆次後又析晉陽餘

地爲清源清源與榆次晉陽錯壤而金時徐溝實分清源榆次地榆次有梗陽其地形本在晉陽南則杜注與索隱括地志初非矛盾而舊唐志云隋於古梗陽城置清源縣元和志云城在清源縣南百二十步瞭如指掌正義引括地志云分晉陽縣置本榆次縣地二語尤爲貫串此梗陽城之在清源梗陽鄉之在徐溝其定址可覈者也

交城縣

交城漢晉陽縣西境北齊置牧官隋開皇中析置交城縣其地東北當汾孔二河交流之地有古交城因名

唐初交城屬河東道武后天授初長史王及善移置山南却波村先天元年析置盧川縣於故地開元二年復併入今治東北有盧峪口

宋太平興國四年平劉繼元以交城設大通監七年移置唐明鎮寶元二年以大通監隸沁州綿上屬之嘉祐四年復屬太原府交城縣 開寶元年自大通監隸太原 山南志金志有少陽山狐突山汾水

文水縣

徐廣曰太原有大陵縣亦曰大陸 括地志大陸地在并州文水縣北十三里漢大陵縣城 漢志注大陸有鐵官莽曰大寧趙肅侯遊大陸出於鹿門卽大陸也

地形志太原郡受陽注晉屬樂平真君九年罷樂屬有大陵城文谷水隋志舊曰受陽開皇十年改焉有文水沁水唐武德三年隸汾州六年來屬七年又隸汾州貞觀元年復舊天授元年更名武興神龍元年復故名

元和志大陵故城在文水縣北十三里卽今治東北二十五里武陵村大陵屯也漢爲縣晉南單于居之後魏廢後魏隋唐皆有文水城宋元符間避水患遷於章多里之南卽今縣治

金志有隱泉山汾水文水

縣西五十里有土安都共十一村舊屬交城縣明天啓間因本縣所屬都分俱在平地春秋丁祭無鹿詳請割大陵屯與交城縣互易焉

按縣西南二十五里有平陶古城前後漢爲縣屬太原郡莽曰多穰後魏改名平遙後徙居京陵卽今平陶都也今汾州平遙縣本此

岢嵐州

山西通志 卷一百一十一
周王會圖有樓煩

一統志岢嵐州春秋時爲樓煩所據蘇秦說齊閔王曰齊燕戰於恒之曲燕不勝十萬之衆盡胡人襲燕樓煩數縣取其牛馬是燕分趙樓煩地也 趙武靈王越黃花嶺取樓煩黃花在寧武關西北

通考魏置岢嵐鎮又置軍爲突厥之要衝

北齊蘇孤戍隋改岢嵐鎮其東南仍爲樓煩郡

按戍在州東三十里戍城在東北一十里城東北沒於水止存三面今名三角村

隋大業四年分雁門郡屬縣秀容及離石之汾源臨泉爲樓煩郡八年使西突厥處羅可汗弟大奈將萬餘居樓煩十三年三月劉武周襲樓煩郡進取汾陽宮

舊唐志嵐州嵐谷舊岢嵐軍也在宜芳縣北界長安三年分

宜芳於岢嵐舊軍置嵐谷縣

今有故城在州西

神龍二年廢縣置

軍開元十二年復置 唐志東會州武德六年更名嵐州

樓煩郡領縣四一曰嵐谷長安三年析宜芳置有岢嵐軍永淳二年以岢嵐鎮爲柵長安三年爲軍景龍中張仁亶徙其軍於朔方留者號岢嵐守捉隸大同今亦當屬岢嵐州

北漢岢嵐軍宋因之 乾德五年二月府州折德辰陷岢嵐軍以兵戍之

胡三省通鑑註宋太宗之平太原折御卿自府州會兵攻劉

繼元先克岢嵐軍

在四年

次克隆州次克嵐州則隆州蓋晉

漢間所置其地在岢嵐嵐谷之間 顧氏方輿紀要寶興

山西通志 卷二十一 一
軍或曰卽岢嵐軍 宋咸平五年廢樓煩縣併入嵐州尹
耕曰此韓魏公所謂潘美在河東令民內徙也

金貞祐三年九月升防禦四年正月升節鎮五月復防禦

按金嵐谷縣有嵐谷山岢嵐山雪山今岢嵐山雪山寒
光堡皆在岢嵐州則嵐谷縣卽岢嵐州地非嵐縣也

嵐州辨 唐嵐州領縣四首宜芳次靜樂次合河次嵐谷
宜芳本嵐城武德四年更名長安三年析宜芳置嵐谷今
嵐縣十里中有宜芳當屬唐宋嵐州地而金合河縣領合
河津乳浪鹽院渡三鎮當屬興縣地樓煩縣當屬靜樂縣
樓煩鹽地唐武德四年以太和縣屬嵐州爲今臨縣地又
保德州戰國隸林胡北魏隸武川鎮唐隸嵐州宋淳化四
年析嵐州地置定羌軍景德元年改保德軍元太祖十六

年以嵐州併入管州至元五年復立嵐州二十二年併岢
嵐入州則是河曲以南交城以北胥古嵐州地也

嵐縣

舊唐志嵐州隋樓煩郡之嵐城縣武德四年平劉武周置東
會州領嵐城縣又以北和州之太和縣來屬其年分嵐州
置合會豐潤二縣仍自故郡城移嵐州於廢東會州置嵐
州舊領岢嵐一縣縣移舊嵐州其年又以北管州之靜樂
來屬七年置臨津縣九年省合會岢嵐太和三縣貞觀元
年改臨津爲合河三年又置太和縣八年又省天寶元年
復爲樓煩郡乾元元年復爲嵐州

舊志隋大業四年置樓煩郡統縣三一曰秀容舊置洹州後
齊又置平寇縣後周州徙雁門開皇初置新興郡銅川縣

郡尋廢十年廢平寇縣十八年置忻州大業初州廢又廢
 銅川為秀容今嵐城南三十里有秀容故城五都中亦有
 秀容都疑卽此地 唐東會州武德六年更名嵐州統縣
 四一曰宜芳本嵐城武德四年更名析置豐潤合會二縣
 五年省豐潤六年省合會今嵐縣合會村有故城遺址靜
 樂縣有豐潤村疑卽此改屬

通考宜芳有古秀容城去縣治三十里卽漢汾陽縣屬太原
 郡積粟所在謂之羊腸倉石蹬縈委若羊腸焉

與交城
 參考

舊通志宋立嵐州節度使於此

按宋史無嵐州節度

金嵐州天會六年置鎮西節度使領宜芳合河樓煩三縣興
 定二年十月甲子詔河東北路忻代寧化東勝諸州並受

嵐州帥府節制貞祐三年二月改寧邊州隸嵐州

兩鎮三關志嵐之屬有靜樂嵐谷唐地理志曰靜樂有天池
 晉涪山山北有樓煩關今考之天池晉涪山在寧武稍南
 而嵐谷卽回春谷也為寧化所地是故北晉廢則寧武入
 於嵐矣又曰北晉得名以晉涪也

按嵐谷析宜芳置本嵐城也恐不係回春谷

關志曰秦并趙築長城於嵐州紫塞尹耕曰趙肅侯築長城
 嵐州塞或肅侯之故而漢所謂武州塞也 又曰趙肅侯
 築長城西至嵐州盡趙界 正義劉伯莊云趙肅侯築長
 城蓋從雲中以北至代

按趙長城從蔚州北西至嵐州北盡趙界

興縣

後齊置蔚汾縣隋大業四年更名臨泉

舊唐志合河隋臨泉縣武德四年置臨津縣貞觀元年改為

合河 通考唐合河縣以蔚汾二水西合黃河因名在興

縣西北六十里唐貞觀置至宋廢址存

元興州注唐臨津縣隸嵐州

臨津即臨泉武德三年更名

又改合河縣金

升興州隸太原路元因之

舊縣志謂金改州在興定二年

興縣界辨 舊志云興邑漢汾陽地屬太原郡按水經注

汾水出太原汾陽縣北管涔山今之靜樂北有管涔則靜

樂乃漢汾陽也靜樂之西曰嵐縣古樓煩地興又在嵐之

西與樓煩近與汾陽遠班書地理志樓煩屬雁門郡則在

秦漢時興縣似當屬雁門郡樓煩縣魏置并州陘嶺以北

胥棄之時爾朱榮據秀容樓煩為重鎮屬新興郡高齊於

嵐州置蔚汾縣乃興邑建置之始隋改臨泉又置臨津唐

名合河以嵐漪與黃河合故也宋改蔚汾元豐間因瀕河

地狹東遷五十里置邑於川谷平衍處即今治是也金升

興州元因之明改興縣隸太原

國朝雍正三年隸保德州亦猶明隸岢嵐州意然不如直附

太原為便非若河曲之在北境當析以隸州也

按金史承安五年置興州寧朔軍節度使本遼北安州

興化軍興化縣所陞領縣二貞祐二年僑置於密雲縣

此隸金北京路非太原路之興州

平陽府

臨汾縣

帝王紀堯都平陽於詩為唐國

通典晉州亦堯舜之都所

謂平陽也 括地志唐國今晉州所理平陽故城是也平陽河水一名晉水 皇甫謐曰舜所都或言蒲坂或言平陽或言潘潘今上谷也 涿鹿廣寧舊有堯舜祠齊永明十年魏詔祠堯平陽舜廣寧 括地志平陽今晉州城是也潘今媯州城是也蒲坂今蒲州二里河東縣界蒲坂故城是也

漢志平陽註韓武子元孫貞子居此葬曰香平應邵曰堯都也在平河之陽與長修同屬河東郡

九域志姑射山唐水之上地正名翼一曰絳而總曰平陽成王滅之以封叔虞

路史臨汾有犇氏亭樂史云卻犇采非魯山之犇又曰桓叔封韓蓋初封桓竹書紀年有桓侯非謚也漢梁孝子明封

桓邑侯是也

臨汾有賈鄉賈伯邑見博物記 左傳芮伯梁伯賈伯伐曲沃又獻公娶於賈註作姬姓國又晉大夫賈季狐偃子狐射姑也蓋賈為晉滅遂為狐氏邑

劉元海置單于臺於平陽西

晉南渡以河東人南寓者於漢武陵郡孱陵縣界上明地僑立河東郡統安邑聞喜永安臨汾弘農譙松滋天戚八縣並寄居焉

地形志晉州註孝昌中置唐州建義元年改治白馬城領郡

十二 平陽郡註晉分河東置真君四年置東雍州太和

十八年罷改置領縣五平陽其一各也平陽註二漢屬河東晉

屬司州治真君六年併禽昌太和十一年復有晉水高粱

城龍子城堯廟

按杜註殺懷公高粱在平陽楊縣西南竹書紀年謂高
梁城一名梁墟 劉淵築陶唐金城疑卽龍子城 平
陽故城在汾水西

後魏置總管府東魏北齊皆爲重鎮 後魏置唐縣改曰晉
縣

隋書臨汾注後魏曰平陽并置平陽郡開皇初改郡爲平河
改縣爲臨汾尋郡廢又有東魏西河敷城五城北五城定
陽等五郡後周廢爲西河定陽二郡開皇初郡廢又有後
魏永安縣開皇初改爲西河大業初省又有舊襄城縣後
齊省有姑射山

白馬城在縣東北後魏及唐爲晉州治

唐縣東北十八里堯山堯爲唐侯國於此又有望都山堯母
登山以望慶都 唐縣北八里唐巖山帝堯遊此用石疊
巖 完縣西二十里伊祁山堯母所居 臨城縣東南二
里堯峰去堯故都唐山三十五里 堯母陵在慶都縣丹
朱墓在慶都東門外百步

帝堯帝嚳之子姓伊祁氏年十五佐兄摯封唐侯二十卽帝
位始封於唐故號陶唐今唐縣定州境以唐水名也其曰
順德唐山者訛

金志汝州魯山有堯山寶豐有參龍城

荀悅曰唐者帝堯有天下號陶發聲也韋昭曰陶唐皆國名
猶湯稱殷商也臣瓚曰堯初居於唐後居陶故曰陶唐也
師古曰三家之說皆非也許慎說文解字云陶邱再成也

山西通志 卷一百一十六
在濟陰夏書曰東至陶邱有堯城堯嘗居之後居於唐故堯號陶唐氏斯得之矣

漢延光三年二月庚寅遣使者祠唐堯於成陽注古城伯國也故在今濮州雷澤縣北述征記云成陽南有堯冢

羅泌帝堯冢辨 古今之事緒無窮而地理之差尤爲難於究竟堯之冢在濟陰成陽堯母靈臺在南漢章帝元和二年使奉太牢祠堯於成陽靈臺是其處也今皆在濮之雷澤東南而王充乃云葬崇山墨子則謂北教八狄道死南巳之市而葬蛩山之陰蓋儀墓爾按歐陽集古錄言靈臺碑以爲史記地志水經諸書皆無堯母葬處粵稽地志及范志則云成陽有堯冢靈臺而此碑云堯母葬茲欲人莫知名曰靈臺又郭緣之述征記成陽城東南九里有堯陵

陵東有中山夫人祠在城南二里蓋堯妃也東南六里有慶都冢上有祠廟而水經注言成陽城西二里有堯陵陵南一里有慶都陵於城爲西南稱曰靈臺鄉曰崇仁邑號脩義其葬處明白若此惡得云無邪然述征記在成陽東而今之所識乃在成陽西北四十里穀林則古今疆場相出入有不同者郭氏所記乃小成陽小成陽在成陽西北五十里隸於河南有山曰成陽穀林在其下小成陽以山得名乃堯葬所在有堯之故名焉卽庸俗所謂囚堯城者抑嘗訂之蓋其遜位之後作游於此此宵人所以得迹其近似而誣焉何以見之莊周之書極天下之譎者也其讓王之說至有堯不慈舜不孝等語而未嘗有篡竊之一言使差有之周肯不言哉韓非戰國之從橫自賈者也其說

山西通志 卷一百一十六
疑曰姦人之事其君其諷一而語同世主說其言而不之辨則姦人愈反而說之曰古之明王非長幼弱也皆聚族偪上而求其利也因曰舜偪堯禹偪舜而自顯其名也田成子宋子罕皆是物也嗟乎以韓非輩猶破其說於處士橫議之時而今之學士乃不能毆其惑於聖哲清明之代可謂智乎因三思之是蓋魏晉之事而竹書又出於魏晉之間則其當時逢君之臣爲主分謗而附益之不言而喻爰復偵之燕之慕容盛晉之傖曩奸義者也嘗稱商之太甲而以伊尹事同夷羿卽敷之徒雖能初與之較而終以屈聽更譽其言之當而今竹書果有伊尹放太甲太甲潛出殺伊尹之言乃知偪於一時雷同詭隨謂白爲黑者衆矣夫治古之事曲引而說之何不可哉知幾之妄泌請得

以佐其說而盡破之毋俾世迷得以引戈而議其後伯禹曰毋若丹朱朋淫於家用殄厥世子創若是而史記亦曰朱絕厥世撫此附會則知幾之說牢矣鄉使知幾援此自證則將遂信之乎我無是也夫殄世者不繼世以有天下也豈絕滅云乎哉方堯之遜位也將遜之語先聞於岳薦之前而使嗣之誠已見於側微之日及其出也然後女於畎畝試以百爲如慈親之育其子含飴樞葆繇小以高大豈若凶殘鬼類惕日玩歲處高據勢怙寵冒權而爲偪邪舜之事官也以之徽典則必使其從以之賓門則必使其睦逮其底績然後致自大麓格於文祖若蒲輪而赴京緩轡取程自邇而之遠非若輕狷少年不召自至衝君突蹕蹶坑墜塹而後息也雖然犬豚鳧雁之徒智不足以知聖

山西通志 卷二十一
人自昔然矣而文忠公之跋亦何足邪謂俗本多作城陽
獨此碑爲成陽夫成陽與城陽正自二所成隸濟陰乃古
之成昔武王封母弟於成後遷於成之陽遂曰成陽而城
陽乃漢齊悼惠之子章所食之國今之兗州是矣不得爲
豈也其云廷尉某姓名磨滅據漢廷尉仲定碑云遷廷尉
卿託病乞歸修堯靈臺黃屋三十餘而靈臺碑言濟陰太
守成陽令各遣大掾輔仲君則知爲仲定矣至言漢受濡
期則又以爲不知何語此蓋指言漢氏承秦之水運而已
夫君子耻一物之不知而病聖賢之失世而公以爲久遠
難明之事不知不害爲君子君子博學而反約今也畫
顧炎武堯冢靈臺考 漢書地理志濟陰成陽有堯冢靈臺
後漢書章帝紀元和二年八月東巡狩使使者祠唐堯於

成陽靈臺安帝紀延光三年二月庚寅使使者祠唐堯於
成陽皇覽云堯冢在濟陰成陽皇甫謐帝王世紀云堯葬
濟陰成陽西北四十里是爲穀林水經注城陽西二里有
堯陵陵南一里有堯母慶都陵於城爲西南稱曰靈臺鄉
曰崇仁邑號修義皆立廟四周列水潭而不流水澤通泉
泉不耗竭至豐魚筍不敢採捕廟前並列數碑栝柏成林
二陵南北列馳道逕通皆以磚砌之尚修整堯陵東城西
五十餘步中山夫人祠堯妃也石壁階墀仍舊南西北三
面長櫟聯蔭扶疏里餘中山夫人祠南有仲山甫冢冢西
有石廟羊虎破碎畧盡於城爲西南在靈臺之東北宋史
神宗熙寧元年七月己卯知濮州韓鐸言堯陵在雷澤縣
東穀林山陵南有堯母慶都靈臺廟請敕本州春秋致祭

置守陵五戶免其租奉洒埽從之

成陽在漢為濟陰屬縣北齊廢隋復置為雷澤

縣唐宋因之金復廢今曹州東北六十里故雷澤城是也而集古錄有漢堯祠及堯母

祠碑是廟與碑宋時猶在也然開寶之詔帝堯之祠乃在

鄆州今在東平州東北三十里蘆泉山之陽意者自石晉開運之初黃河決

於曹濮堯陵為水所浸乃移之高地乎而後代因之不復

考正矣元史泰定帝紀泰定二年四月丁酉濮州郵虞舜城縣言城西堯冢上有佛寺請徙之不報

陟方見於書禹會諸侯於塗山見於傳惟堯不聞有巡狩

之事墨子曰堯北教乎八狄道死葬蛩山之陰舜西教乎

七戎道死葬南巳之市禹東教乎九夷道死葬會稽之山

此戰國時人之說也自此以後呂氏春秋則曰堯葬於穀

林太史公則曰堯作游成陽劉向則曰舜葬濟陰竹書紀

年則曰帝堯八十九年作游宮於陶九十年帝游居於陶

一百年帝陟於陶說文陶再成邱也在濟陰有堯城堯嘗

所居故堯號陶唐氏而堯之冢始定於成陽矣但堯都平

陽相去甚遠耄期之年禪位之後豈復有巡游之事哉偃

朱之說並出竹書而鄆城之跡亦復相近括地志曰故堯城在濮州鄆城

縣東北十五里竹書云昔堯衰為舜所囚也又有偃朱故城在縣西北十五里竹書云舜囚堯復偃塞丹朱使不與

父相見也按此皆戰國人所造之說或人告燕王謂啓攻益而奪之天下韓非子言湯使人說務光自投於河大抵

類詩書所不載于世之遠其安能信之山海經海外南經

狄山帝堯葬於陽註呂氏春秋曰堯葬穀林今成陽縣西

東阿縣城次鄉中赭陽縣湘亭南皆有堯冢臨汾縣志

曰堯陵在城東七十里俗謂之神林高一百五十尺廣二

百餘步旁皆山石惟此地為平土深丈餘其廟正殿三間

廡十間山後有河一道有金泰和二年碑記竊考舜陟方

乃死其陵在九疑禹會諸侯於江南計功而崩其陵在會稽惟堯之巡狩不見經傳而此其國都之地則此陵爲堯陵無疑也 按志所論似爲近理但自漢以來皆云堯葬濟陰成陽未敢以後人之言爲信

襄陵縣

漢志襄陵註有班氏鄉亭莽曰幹昌應劭曰襄陵在西北師古曰晉襄公之陵因以名縣

通典有趙襄子墓又有晉襄公陵因以爲名後魏禽赫連昌又分此縣置禽昌縣

地形志平陽郡襄陵註二漢屬河東晉屬治襄陵城 禽昌註二漢屬河東晉屬卽漢晉之北屈也神麴元年世祖禽赫連昌仍置禽昌郡真君二年改七年併永安屬焉有乾

城郭城

隋書註齊併襄陵入禽昌大業初改襄陵

宋志熙寧五年廢慈州鄉寧縣分隸

金志有浮山汾水滴水故關鎮

明一統志唐徙治在汾河西而金興定四年從平陽公胡天祚之請亦徙置汾河之西

隋開皇初罷郡置晉州縣在封邑大業初廢禽昌改襄陵唐僕射裴寂言襄陵地廣東北分浮山遂徙汾水西之宿水店憲宗元和十四年隸絳州文宗太和元年隸河中府後復隸晉州宋天聖元年自宿水移於晉橋卽今治也東南二十里有襄陵縣故城爲晉大夫卻犇食邑

洪洞縣

左傳戊申使殺懷公於高粱杜註懷公奔高粱高粱在平陽
楊縣西南 地道記梁城去縣五十里叔向築今廢

國語史伯曰西有霍揚

漢志揚注莽曰有年亭應劭曰揚侯國縣東南今有揚縣故城路史揚

一曰楊氏寰宇記趙氏之寧晉春秋楊氏二漢揚縣今晉

之洪洞南十八里有故揚城地道記揚侯國云晉滅賜於郡縣志同

通典故洪洞城在今縣北東魏北齊鎮也四顧重複控據要

險唐書宰相世系表楊氏出自姬姓周宣王子尚父封為

揚侯 晉之公族食采於羊舌凡三縣一曰銅鞮二曰揚

氏三曰平陽羊舌四族叔向食采揚氏其地平陽揚氏縣

是也及晉滅羊舌氏而叔向子孫逃於華山仙谷遂居華

陽

通考云楊姬姓爵未具國在河東

楊之先出自有周伯僑者以支庶初食采於晉之楊因氏焉

揚在河汾之間周衰而楊氏或稱侯號曰揚侯會晉六卿

爭權韓趙魏興而范中行知伯弊當是時偪楊侯逃於楚

巫山漢書楊雄傳張衡云晉大夫食采於楊楊食我有罪而楊

氏滅 直隸通志周職方楊紆伯僑自晉歸周封於揚今

寧晉縣是

地形志永安郡楊註二漢屬河東晉屬平陽後罷太和二十

一年復治楊城有岳陽山東明神

擒昌故城在縣東南二十里魏太武聞擒赫連昌置北齊省

隋義寧元年徙楊縣於西北十五里因更名洪洞唐武德元

年析洪洞臨汾置西河縣貞觀十七年省入臨汾後復置

後梁開平中屬定昌軍節度使後唐同光初屬建雄軍節度使金志有霍水汾水相傳南有洪崖北有古洞鎮故以名縣云

浮山縣

舊唐志武德元年分襄陵置浮山縣三年改浮山爲神山縣
晉州武德二年分襄陵置浮山縣四年改爲神山以縣東南羊角山神見爲名山神晉州神山志異蓋晉州據下詔書曰而浮山據詔書到日也

金興定四年十一月甲午更浮山縣名忠孝

浮山辨 兩漢河東郡晉魏平陽郡皆有襄陵無浮山隋襄陵本兼禽昌及葛城唐襄陵初隸晉州後隸絳州太和間隸河東郡而神山隸晉州平陽郡註云本浮山武德二

年析襄陵置東南有羊角山四年以老子祠更名宋襄陵神山同隸平陽今襄陵浮山亦同隸平陽而襄陵注云有浮山汾水滴水元亦同隸晉寧路蓋自唐高祖以後襄陵方徙治汾水以西而唐莊宗同光二年浮山乃自郭城徙今治也

按地形志平陽郡禽昌卽漢晉之北屈神麇元年置禽昌郡真君二年改七年併永安屬焉自襄陵入禽昌有故郭城卽神山廢縣也在今南十里

趙城縣

漢志彘屬河東郡周厲王奔此莽曰黃城後漢志永安故彘陽嘉三年更名有霍太山注引博物記有呂鄉呂甥邑杜預曰縣東北有彘城霍太山卽左傳閔公元年晉所滅霍

也爾雅曰西南之美者有霍山之多珠玉焉後魏屬永安
郡有霍山祠趙城隋霍邑屬臨汾郡有霍山有堯水義寧
元年析霍邑置趙城屬平陽郡宋元豐三年由鎮復爲縣
政和三年以趙氏始封之地又四面阻險升爲慶祚軍以
軍事領之賜晉州趙城縣造父祠爲慶祚廟金志屬平陽
郡有姑射山汾水霍水

通考女媧葬趙城縣東南後魏地形志任城郡亢父縣有女媧冢風伯祠

路史郵王良邑爲郵氏

太平縣

晉獻公八年命士蔿城絳以深其宮始都絳景公復遷新田
又歷厲悼平昭頃定出哀幽烈孝靜十二公而三家分擅
地屬魏今城南二十五里士蔿所築故墟尚存卽古晉城

也漢置臨汾縣於此後移太平關又名臨汾故縣

日知錄春秋時晉國本都翼在今之翼城及昭侯封文侯之

弟桓叔於曲沃桓叔之孫滅翼而代爲晉侯都曲沃在今

聞喜縣漢志聞喜故曲沃其子獻公城絳居之在今太平之南絳

州之北今太平縣南二十五里城址猶存歷惠懷文襄靈成六公至景公

遷於新田在今曲沃縣杜氏曰新田今平陽絳邑縣是後魏始名曲沃當汾澮二

水之間於是命新田爲絳而以其故都之絳爲故絳此晉

國前後四都之故蹟也

舊志史記晉獻九年城聚都之命曰絳賈逵曰聚晉邑是本

爲聚邑獻公更名曰絳耳太史公龍門人以晉紀晉耳目

自審賈景伯爲汝南許慎古學之師安有疑者或曰左傳

獻公八年城聚九年城絳今絳縣志有車廂城謂城聚處

羣公子之所然則司馬子長竟未讀左氏傳者耶
漢志臨汾屬河東郡 絳注晉武公自曲沃徙此有鐵宮應
劭曰絳水出西南

後漢襄陵注亦引晉地道記云晉武公曲沃徙此按漢
之臨汾卽今太平與襄陵皆古絳地武公之徙徙絳也
卽徙太平也此曲沃卽今聞喜武公恐係獻公之訛

後漢臨汾有董亭注引左傳晉改蒐於董杜預曰縣有董亭
博物記曰有賈鄉賈伯邑

地形志平陽郡臨汾注二漢屬河東晉屬真君七年併泰平
太和十一年復泰平註真君七年置有泰平城齊城 通
志自晉城移臨汾縣置此 周避太祖宇文泰諱改爲太
平

隋志注後魏置後齊省臨汾入焉有關官唐志注有太平關
貞觀七年置宋熙寧五年廢慈州以襄寧縣分隸太平稷
山屬絳州

舊志縣城始爲敬德堡劉武周取晉澮等州築堡當在此時
蓋將藉以西拒者

秦王東征兵屯柏壁在城西南今城外地勢西南最下或亦
阻險憑高之意

前漢地理志河東郡第十六縣爲平陽應劭曰堯都也在平
河之陽後漢郡國志河東郡第三縣爲平陽堯都此晉地
理志平陽郡第一縣爲平陽註云舊堯都元魏地形志平
陽郡第二縣爲平陽註云屬河東太平真君六年併禽昌
太和十一年復隋地理志臨汾郡第一縣爲臨汾註云後

魏曰平陽併置平陽郡開皇初改郡爲平河改縣爲臨汾而太平爲臨汾縣置於古晉城前漢河東郡第十二縣爲臨汾後魏漢河東郡第四縣爲臨汾晉分河東立平陽郡第十縣爲臨汾至後魏太平真君時始封臨汾置太平縣以太平關易名則今之臨汾乃二漢晉魏之平陽縣而二漢晉魏之臨汾卽今之太平縣也又隋地理志絳郡第一縣爲正平註云舊曰臨汾置正平郡開皇初郡廢十八年縣改名焉大業初置絳郡此蓋與太平同在古臨汾之域而分置者也

按後魏地形志朔州有太平郡縣恒州代郡有太平縣南營州遼東郡有太平縣北齊改魏神武郡爲太平郡俱非今汾州太平也又魏東雍州邵郡有西太平縣正

平郡卽故南太平神廳中改爲征平領曲沃聞喜二縣今亦不屬汾州惟晉州平陽郡之泰平近是

岳陽縣

地形志晉州冀氏郡註建義元年割平陽郡置領縣二冀氏註割禽昌襄陵置有冀氏城合陽註有合陽城晉州義寧郡註建義元年置治孤遠城領縣四團城註治陶谷川義寧註分禽昌置安澤沁源註郡治今隸沁州舊唐志冀氏漢猗氏縣地後於古猗氏城南置冀氏路史猗氏今晉之冀氏

元志岳陽本猗氏屬平陽府至元三年省入岳陽縣四年以縣當東南驛路之要復置併岳陽和川二縣入焉後復改

岳陽

按岳陽在漢曰穀遠又曰猗氏莽曰穀近北魏曰冀氏
 又曰安澤隋大業初改名岳陽又改義寧為和川唐仍
 冀氏岳陽而和川則屬沁州元乃仍入岳陽此冀氏即
 屯留縣所謂有冀氏之半者也於蒲州猗氏辨之已詳
 曲沃縣

通考春秋時晉所都新田之地

杜預註新田今平陽絳邑縣是後魏始名曲沃

左傳桓公三年晉武公伐翼次於陘庭土人名聽城今治東北十

里庭城村是也

按今縣南有晉城然當以在太平者為正

通典漢絳縣地春秋時晉曲沃地臺駘神在此
 縣志路史曲沃成侯之居以封桓叔故地有晉先君之廟獻

公城之居申生曰新城漢為曲沃今隸絳潘岳云陝之曲

沃是也羅氏於曲沃聞喜源流未極了了通典左邑聞喜並紀則舊志所

謂以桐鄉之南為聞喜者信矣 曲沃城在陝州西三十

里晉備秦以曲沃之官守之故名曲沃非絳州之曲沃也

地形志正平郡曲沃註太和十一年置

桐鄉城在縣西南四十五里聞喜界羅苹曰曲沃西南聞喜

西南八里桐有桐鄉故城隋圖經云俗以此城為桐宮皆

云放太甲處按湯墓在今尸鄉乃放處在偃非此

李廷寶曲沃辨今沃南十里有安鵠村即古之鵠也詩云從子于鵠

注鵠曲沃邑也疏曲沃非獨一邑而已其一統志曲沃秦都在曲沃其傍更有邑故云鵠曲沃邑也

改為左邑今桐鄉在沃西南四十五里則漢之聞喜當在

今沃境而後始遷涑水之南為今聞喜耳晉成侯自晉陽

徙曲沃又五世至穆侯徙絳又二世至昭侯徙翼昭侯封成師於曲沃又二世至武公滅翼又一世至獻公徙絳又六世至景公徙新田也

古曲沃以聞喜志為正姑取辨中近是者錄之

路史畜備部也邢侯邑曲沃南二里有故鄆城雒子奔晉與之鄆者姓書有畜氏鄆氏云因非子畜養妄

世傳鄆西桐有離宮為裔墓地世紀鄆西南有上司馬太甲之居此誤以上甲為太甲爾

漢絳縣故城在曲沃縣南

翼城縣

竹書紀年康王九年唐遷於晉宣王十六年晉遷於絳

括地志故唐城在絳州翼城縣西二十里即堯裔子所封成

王滅之而封太叔也春秋云夏孔甲時有堯苗裔劉累者以豢龍事孔甲夏后嘉之賜氏御龍以更豕韋之後後龍一雌死潛醢之以食夏后既而使求之懼而遷於魯縣夏后別封劉累之孫於大夏之墟為侯至周成王時唐人作亂成王滅之而封太叔更遷唐人子孫於杜謂之杜伯即范丐所云在周為唐杜氏按魯縣汝州魯山縣是今隋州棗陽縣東南一百五十里上唐鄉故城即後子孫徙於唐

明志縣東南有唐城即帝堯裔封

左傳隱公五年曲沃伐翼杜註在縣東八十里 集韻翼國

名劉昭注絳邑有翼城 通典古翼邑漢絳縣地

南十五里有古翼城

水經注按詩譜言晉穆侯遷都於絳至孫孝侯改絳為翼翼

爲晉之舊都也後獻公又北廣其城方二里又命之爲絳
故司馬遷史記年表稱獻公九年始城絳都左傳莊公二
十六年晉士蔿城絳以深其宮是也

後漢志絳邑有翼城注縣西有絳邑城杜預曰故絳也
路史翼孝侯居因曰翼侯蓋與絳近今翼城東十五里有翼
故城絳邑之東八十里云卽絳改非

地形志晉州北絳郡孝昌三年置治絳領縣二新安註二漢
屬恒農晉屬河南 北絳註二漢晉曰絳

隋志註後魏置北絳縣并郡後齊廢新安縣并南絳郡入焉
開皇初郡廢十八年改翼城有烏嶺山東涇山有澮山

唐志註義寧元年以翼城絳置翼城郡并置小鄉縣 唐會
昌四年武宗與李德裕議遣王逢屯翼城號王逢寨

卽今縣治

舊唐志武德元年改爲澮州二年改爲北澮州三年以廢北
澮州之翼城置翼城縣領翼城絳小鄉三縣四年廢三縣
併入絳州置南絳州又置絳縣 天祐二年更曰會川
金興定四年平陽公胡天祚請升晉安之翼城爲翼州隸以
垣曲絳縣從之元光二年升爲翼安軍節制使有澮高山
清野山烏嶺山

元初改州爲縣

通考有古熒庭城按左傳襄公二十三年齊侯伐晉取朝歌
爲二隊入孟門登太行張武軍於熒庭當在關子門嶺東

南是齊師直繇箕關入垣翼也

紫谷水西逕熒庭城疑卽此

皮牢城卽今牢塞村史記周顯王七年魏敗韓趙之師於皮
牢趙世家魏敗我師於澮取我皮牢

後復趙赧王五十六年

秦王齧敗趙拔皮牢

顧炎武唐晉辨 左傳昭公元年遷實沈於大夏定公四年

命以唐誥而封於夏虛服虔曰大夏在汾澮之間杜氏則

以為太原晉陽縣按晉之始見春秋其都在翼括地志故

唐城在絳州翼城縣西二十里堯裔子所封成王滅之而

封太叔也北距晉陽七百餘里即後世遷都亦遠不相及

竹書紀年康王九年唐遷於
晉宣王十六年晉遷於絳况霍山以北自悼公以後始

開縣邑而前此不見於傳又史記晉世家曰成王封叔虞

於唐唐在河汾之東方百里翼城正在二水之東而晉陽

在汾水之西又不相合竊疑唐叔之封以至侯緡之滅並

在於翼史記屢言禹鑿龍門通大夏呂氏春秋言龍門未

闢呂梁未鑿河出孟門之上則所謂大夏者正今晉絳吉

隰之間書所云維彼陶唐有此冀方而舜之命臯陶曰蠻

夷猾夏者也當以服氏之說為信又齊桓公伐晉之師僅

及高粱在今臨汾縣而封禪書述桓公之言以為西伐大夏大

夏之在平陽明矣 晉自武公滅翼今翼城縣而王命曲沃伯

以一軍為晉侯其時疆土未廣至獻公始大考之於傳滅

楊今洪洞縣滅霍今霍州滅耿在今河津縣滅魏在今蒲州滅虞在今平陸縣重

耳居蒲在今隰州夷吾居屈在今吉州太子居曲沃在今聞喜縣而公都

絳在今平陸縣不過今平陽一府之境國語宰孔謂晉侯景霍

為淵而滅虢在今陝州滅焦在今陝州則跨夫大河之南史記晉世

是也時晉疆西有河西與秦接壤北邊翟東至河內索至惠公

敗韓之後秦征河東則內及解梁在今臨晉縣狄取狐廚在今

縣涉汾而晉境稍蹙文公始啟南陽得今之懷慶襄公敗

秦於殺自此惠公賂秦之地復為晉有而以河西為境若

霍太山以北大都皆狄地不屬於晉文公作三行以禦狄

襄公敗狄於箕而狄患始稀悼公用魏絳和戎之謀以貨

易土在文公後平公用荀吳敗狄於太原於是晉之北境

至於洞渦雒陰之間而鄔祁並今平陵梗陽今清源涂水今在

榆次馬首孟今孟縣為祁氏之邑晉陽今太原為趙氏之邑矣

若成公滅赤狄潞氏而得今之潞安頃公滅肥而得今之

正定皆一一可考吾於杜氏之解綿上箕而不能無疑并

唐叔之封晉陽亦未敢以為然也 晉自都絳之後遂以

曲沃為下國僖公十年狐突適下國然其宗廟在焉考悼公之立成

十八大夫逆於清源杜氏曰河東聞喜北有清原是次郊外庚午盟而

入辛巳朝於武宮是入曲沃而朝於廟二月乙酉朔即位

於朝是至絳都而平公之立襄公十六年亦云改服修宮烝於

曲沃但不知其後何以遂為欒氏之邑而欒盈之入絳范

宣子執魏獻子之手賂之以曲沃襄公二十三年夫以宗邑而與

之其臣聽其所自為端氏之封屯留之徙其所由來者漸

矣

王世家唐晉辨 翼古夏墟也高辛氏以封堯曰唐堯立為

畿輔地及舜受禪使丹朱續堯後復封唐夏商仍焉周成

王時唐有亂周公滅之成王以封太叔虞是為唐侯虞卒

子燮立更曰晉夫唐晉者國之名而其地則合翼曲絳為

一而都於翼者也翼之為唐叔遺封所從來矣乃昔之志

太原者曰叔虞封太原後以晉水更名晉懸甕山蓋有晉

王塚云而翼之先又代少聞人無從置辨也亦曰叔虞始

山西通志 卷二十一
封翼至子燮乃遷晉水旁焉於是以譌傳譌郡志因之通志因之而都城記括地志及通鑑字彙一統廣輿諸書勦襲故說百口同聲皆以太原爲唐嗚呼其亦弗思甚矣夫天下惟理之可通者爲不易書之近古者爲足據舍此而言皆誣也嘗取而論之太原古大鹵地也其爲叔虞所封經史迄無所見揣其意不過據毛詩譜唐在太原太岳之野耳然其下卽曰在今太原府曲沃及絳皆在今絳州信斯言也將謂曲沃絳州皆太原耶又不過泥春秋胡傳譜謂之太原亦曰晉陽耳且微論下文明言翼也就所謂河汾東北者言之將毋太原縣亦在河汾東北乎竊謂古者地分而名別降及後世每以省會統郡邑兩書在趙宋時想太原晉陽已爲省會矣彼又未身至其地特據今釋古

舉大該小言翼而以太原晉陽冠之耳猶今以山西統平陽以平陽統翼城也寧得謂山西卽平陽而平陽卽翼城哉抑或者謂括地志云故唐城在并州晉陽北二里此不足徵乎然考括地志曰定州唐縣爲唐侯丹朱所封又曰故唐城在絳州翼城縣西二十里卽堯裔子所封合之前說不且一口三舌乎不知唐縣之說周公滅唐後遷之彼自爲杜唐氏而非其始也他如史遷舜本紀以爲丹朱封於薊而晉世家又曰唐在河汾之東方百里通鑑註以唐爲在唐縣而其後又數大書翼晉景公遷新田本絳州也而乃以爲翼城故絳本翼城也而乃爲絳縣種種舛謬更僕難數所謂自相牴牾者也豈顧辨哉今執太原人而問之曰子謂太原爲唐矣然周夷王三年虢公嘗伐太原之

戎宣王元年尹吉甫亦伐獫狁於太原是夷宣時太原尚
荒服也寧有叔虞已封而尚爲荒服者耶矧其後靈王封
太子晉於太原名王子晉亦曰晉王若太原已有君子晉
其何處焉世固有一國二君者乎卽曰太原不一地號尹
所伐子晉所封或他地耳然稽晉陽郡邑古皆無太原名
獨太原縣有之可曰彼則是而此則非歟且晉昭侯嘗封
成師於曲沃矣夫太原至曲沃七百餘里不審分封時此
七百里皆爲晉有耶否耶以爲皆晉有然王制無七百里
之侯封而是時晉未大也則不有可知矣不則曲沃必有
所主晉雖強能以他人之疆索封其叔父哉况曲沃伐晉
不一其舉逼近豈無虞虢耿魏可伐而假道楊霍正復不
易顧乃越國鄙遠以取此區區無用之太原也有是情乎

凡此皆理之必無者也論者猶曰南有晉水一見於毛詩
譜一見於都城記今太原有晉祠水矣可若何余曰是大
不然左史無其說也抑予聞之子晉封太原歿而人祠之
故曰晉祠其地有水因名晉水祠與水皆以子晉得名者
也蘇祐之說真瞽目之談丹黃耳至懸甕之墓不名唐侯
而名晉王則亦子晉之陵耳緱山笙鶴此異端矯誣之言
烏可信也今以晉墳冒虞名兩人有知不且啞然失笑哉
若翼之爲地左行山而望恒岳非所謂太行恒山之西乎
隸晉陽而負霍鎮非所謂太原太岳之野乎西邇汾水僅
百里耳非所謂汾河之東百里乎先名翼而後名絳曲沃
爲其屬邑非所謂曲沃及絳乎邑西有故唐城距邑二十
里非所謂縣西二十里爲堯裔子所封者乎且城之西北

曰唐城是丹朱叔虞之舊號也東南曰翦桐是成王所由封也東北曰同穎是嘉禾所由獻也爲問太原亦會有此否耶况左國諸書去古未遠又遶遶可據也按左傳魯隱公五年曲沃莊伯以鄭人邢人伐翼王使尹氏武氏助之翼侯奔隨六月曲沃叛王秋虢公伐曲沃而立哀侯於翼六年翼九宗五正頃父之子嘉父逆晉侯於隨惠之四十五年曲沃莊伯伐翼弑孝侯翼人立其弟鄂侯鄂侯生哀侯哀侯侵陘庭之田陘庭南鄙啓曲沃伐翼桓公三年春曲沃武公伐翼次於陘庭韓萬御戎梁弘爲右逐翼侯於汾隰杜註云翼晉舊都唐叔始封也按國語武公伐翼殺哀侯又驪姬曰惟無親故能兼翼按史記唐在河汾之東方百里又曲沃邑大於翼翼晉君都邑也孝侯十五年曲

沃莊伯殺其君晉孝侯於翼按春秋胡傳唐在河汾之東北地方百里而都於翼平陽絳邑縣東翼城是也又曲沃伐翼翼侯奔隨立鄂侯之子光於翼晉迎翼侯於隨伐翼獲哀侯曲沃滅翼翼侯緡之二十七年曲沃武公伐晉滅之而前所引括地志亦曰在翼城索隱亦云翼本晉都自孝侯已下一號翼侯平陽絳邑縣東翼城是也此歷歷可考於古者也不識太原亦曾有翼名乎吾知他即可假翼必不可假翼不可假而唐晉庸可假耶甚矣其誣也至括地志又曰平陽河水一名晉水而郡之西南亦有晉水予以謂翼之灤水卽晉水也何言之灤水所經今有晉峽二村焉晉古音箭今土人讀爲箭峽而譌寫澗下耳其曰灤者疑當時以死難賜欒共子因人名地去晉爲灤猶唐之

山西通志 卷一百一十六
晉翼之絳後人誤以爲灤也而不知者猶曰樂氏食邑於曲沃夫樂賔爲傅食邑曲沃則有之若共子死哀侯之難顯與武公爲敵庸有食人食而背恩反噬者此與土人樂巴之說皆妄也今縱謂灤非晉水要亦平陽之晉水耳豈太原所可托哉若翼之孝義村確有叔虞塚在鼎足而列林木甚古彼太原烏得而冒諸以太原若彼以翼若此孰是孰非甚瞭然矣乃今猶曰太原爲叔虞所封翼爲春秋絳邑後改爲翼噫何其陋也君子謂此輩坐不讀書耳余竊怪世之學者渺見寡聞輒敢自逞其臆說而一二稍知學者又逞逞論理不求其通考事不詳其實讀書不觀其備而因陋就簡以爲害於天下後世若此類不可勝數皆見笑於有道者也余生於翼知翼事稔悉故據實辨之以

俟考古者采擇焉後有通儒當不以予言爲誣已

汾西縣

舊唐志汾西後漢汾西郡隋廢爲縣屬呂州隋末陷賊武德初權於今城南五十里申村堡置貞觀六年移今所

金志有汾西山汾水

前漢彘縣後漢永安晉志註故霍伯國隋志註後魏曰臨汾并置汾西郡開皇初郡廢十八年縣改爲汾西又有後周新城縣開皇十年省入唐爲中縣初屬呂州州廢又屬晉州開元後遷縣治於厚義村仍爲汾西縣宋移舊治按彘城呂州城皆在今霍州十里內而舊志於趙城汾西多引永安故彘蓋彘地廣北魏後趙城與汾西均得之非全隸霍州也

靈石縣

地形志晉州五城郡天平中置領縣三 北棗 南棗胥天
平二年置 永安元象元年置

晉魏以前屬西河郡國北魏延興四年置平昌縣屬定陽郡
有陰陽二城北齊置南朔州後周置介休郡靈石咸隸焉
隋開皇十年開道獲石有文曰大道永吉因以為瑞遂於
其地建設縣治割介休西南地以益之有介休山有靖巖
山唐志有賈胡堡宋金剛拒唐兵高祖所次西南有陰地
關長寧關宋志有陽涼南關陽涼北關金志貞祐二年割
隸霍州四年五月復屬汾州有靜巖山汾水元志國初割
靈石縣隸平陽之霍州仍析置小靈石縣至元二年省小
靈石入介休蓋自開皇以後所屬路府州多改易而縣名

不易也

霍州

竹書紀年晉獻公十九年會虞師伐虢滅夏陽虢公醜奔衛

乃命瑕父呂甥邑於虢都志云北虢也非彭城 鄭樵云彭城東五十

九里呂梁漢呂縣

劉昭注永安故彘陽嘉三年更名有霍大山史記周穆王封

造父趙城徐廣曰在永安杜預曰縣東北有彘城

世本魏武子居魏悼子徙霍宋忠曰霍地名即今河東彘縣也

正義晉州霍邑漢彘縣也後漢改曰永安隋改曰霍邑本春秋時霍伯國也

漢志注霍太山在東冀州山周厲王所奔莽曰黃城應劭曰

山西通志 卷一百一十六
順帝改永安

地形志晉州永安郡注建義元年置治永安城領縣二 永安注前漢曰彘順帝改治仇池壁有霍山祠趙城 揚城 隋霍邑注開皇初永安郡廢十四年置汾州十六年改爲呂州縣曰霍邑大業初州廢有霍山彘水

唐晉州霍邑注義寧元年以霍邑趙城汾西靈石置霍山郡 武德元年曰呂州貞觀十七年州廢以靈石隸汾州霍邑 趙城汾西來屬有西北鎮霍山洞

嘉祐九年永安縣建會聖宮奉安三聖

金志注貞祐三年升霍州以趙城汾西靈石隸焉興定元年 七月升爲節鎮軍曰鎮定有霍山汾水彘水

元霍州領霍邑趙城靈石三縣

路史霍伯爵僮也始亦侯穆天子傳霍侯蕞今晉之霍邑有

霍泰山霍水郭璞云平陽永安西南汾水之西有霍城非

六安之霍 呂河東永安博物記古今地名記有呂鄉呂

甥之邑郡縣志云霍邑西南十里有呂城紀聞云古呂州

卽彘也 唐爲呂州 彘卽永安 其城甚固

永安辨 漢河東郡彘縣陽嘉三年更名永安今霍州趙

城汾西境皆是也晉因之後魏置郡縣多名永安非盡沿

漢晉以來故地惟隸晉州之永安郡治永安縣城註謂治

仇池壁有霍山祠趙城卽故彘地也此外如元象元年置

永安屬五城郡卽今靈石孝昌中置永安治白坑城屬西

河郡太和十一年分隰城置永安屬西河郡卽今孝義太

和二十一年隸平陽郡之陽縣改隸永安郡卽今洪洞東

永安屬秦寧郡卽今陽城沁水等地他如隸蔚州之永安卽今廣靈隸廓州之永安郡卽今崞繁峙二縣隸肆州之永安郡兼統今忻州定襄靜樂五臺蒲縣等地至於元象中置之永安正光末置之永安胥屬營邱郡以及湘州之永安郡南郢州之二永安郡皆非晉省所隸也隋志西河郡永安註云有雀鼠谷谷在介休縣西南水經註所謂古之津隘今之地嶮也

山西通志卷一百七十六



